



La Géorgie

Indépendante

Revue mensuelle

M A R S

1931—№ 64


სპრილი

1931 წ.

№ 64

დემოკრატიული საქართველო

საქართველს პოლიტიკური პარტიების ორგანო.



ე რ ო ვ ნ უ ლ ი ვ ლ ო ვ ა

ახლად გარდაცვლილი გიორგი ლასხიშვილის სიკვდილი მძიმე და გულითადს მწუხარებას გამოიწვევს ყოველ ქართველში განუზრვლად მიმართულებისა. დარწმუნებული ვართ, მის დაკარგვას მთელის თავის არსებით მწვავედ იგრძნობდა სამშობლო და გლოვა იქნებოდა საერთო ეროვნული. დიდი მამულიშვილი—იგი იყო ერთი პირველთაგანი იმათ შორის, რომელთაც საქართველოს საკითხს მისცეს გარკვეული პოლიტიკური ხასიათი და მისი გადაჭრა დასახეს ჩვენი დროის გარდაუვალ მოთხოვნილებად.

ქართველი ერის სუვერენულ უფლებებისათვის ებრძოდა ის ძველ წყობილებას, რევოლუციონერი

განდა ყმაწვილობის პირველ დღიდანვე და შეურიგებელი მებრძოლი დარჩა ამ უფლებებისათვის უკანასკნელ წუთამდე: ბოლშევიზმი მიაჩნდა საქართველოს დამლუპველად, მისი ეროვნების, კულტურის და კეთილდღეობის გამანადგურებლად, და ერთს წუთსაც არ დაუდგია ძირს იარაღი მის წინააღმდეგ.

განსვენებული იყო მაღალი რწმენის ადამიანი—მოქალაქე და მასთან მიმზიდავი თავის პიროვნებით—პატიოსანი, პირდაპირი, იშვიათი წმინდა ზნეობის მატარებელი, მუდამ უბრალო, დარბაისელი. მის სახელს. მის დიდ ღვაწლს, მის შეუდრეკელ ერთგულებას და ხალხის ღრმა სიყვარულს არასოდეს დაივიწყებს მშობელი ერი.

პარტიზანული ბრძოლა კავკასიაში

მარტის ნომერში მკითხველმა წაიკითხა ორი ცნობა ორი სხვადასხვა წყაროდან, რომლის თანახმად პარტიზანული ბრძოლა ისევ გაჩაღდა საქართველოს დაზარბეიჯანის ზოგიერთ ნაწილებში. ამ ნომერში მკითხველი დაინახავს ახალ ცნობას, საიდანაც სჩანს, რომ პარტიზანთა მოქმედების რაიონი კიდევ უფრო გაფართოებულა. დასახელებული მთელი კახეთი, დუშეთი, ბორჩალო, ყარაიანი—ეს საქართველოში, ხოლო აზერბეიჯანში—განჯა, შემახა, ნუხა, ზაქათალი.

ჩვენ უკვე გაფრთხილებული ვიყავით, კარგი ხანია, საქართველოდან, რომ კოლექტივიზაციის განახლებას გამოსვლები მოჰყვება, და ეს კიდევ გამართლდა. გამართლდა იმ განსხვავებით, რომ შარშან იმავე კოლექტივიზაციამ ჯერ აჯანყებები გამოიწვია აზერბეიჯანსა და სომხეთში და შემდეგ პარტიზანული გამოსვლები დაიწყო. წელს კი მეორე ფორმა უსწრებს პირველს—პარტიზანული აჯანყებისას—და ეს ბაღებს კითხვას: რამდენათ მოსალოდნელია პარტიზანული გამოსვლები აჯანყებად იქცეს მთელი ხალხისა ან მისი ნაწილების და მით გამოიწვიოს კოლექტივიზაციის შეჩერება, როგორც შარშან?

ჩვენგან შორსაა აზრი გავკიცხოთ ან ვუსაყვედუროთ რამე პარტიზანებს. ვიცით ჩინებულათ, თუ რა ცეცხლშია გლეხობა, როგორ გაანადგურეს და ანადგურებენ მას. პარტიზანებიც ხომ ის სასოწარკვეთილი ელემენტებია, ვისაც, გარდა განადგურებისა, მრავალი მისიანები გაუწყობენ და თვითონ მათაც სიკვდილით ემუქრებიან. მაგრამ ამ გარემოებამ არ უნდა შეგვაშინოს წარბუხურებათ შევხედოთ სინამდვილეს, რაც უნდა უღმობელი არ იყოს იგი.

და ეს მართლაც ასეა: ჩვენი გლეხობა, მთელი კავკასიის გლეხობა, უღმობელი დილეგის წინაშე სდგას: ან უნდა გაწყდეს, ან თავი დაიხსნას გაუგონარ სამინეო მტრავალთაგან. საუბედუროთ, უნდა ვაღვიაროთ, რომ პირველი უფრო მოსალოდნელია, ვინც მეორე, თუ ასე ვაგრძელოთ! პარტიზანობამ, საეჭვოა, ფართე ხალხური მოძრაობა გამოიწვიოს, მით უფრო ნაკლებ აჯანყება,—ის ხშირათ თან სდევს ამ უკანასკნელს და ისიც მაშინ, როცა იგი, აჯანყება, დამარცხებულია.

ასე იყო შარშან. გლეხთა სტიქიური აჯანყება აზერბეიჯანსა და სომხეთში დიდი ისტორიული ფაქტია, ეს მტერმაც იცნო, მაგრამ ძალთა უთანასწორობა იმდენათ აშკარა აღმოჩნდა, რომ გამარჯვება წინდაწინვე გამოირიცხული იყო. დამარცხებას რეპრესიები მოჰყვა, ამას კი «ტყეში გასვლა» ანუ პარტიზანობა, რაიცა გრძელდება აზერბეიჯანში, ხოლო სომხეთში ყუჩდება. ბორჩალოშიც ჰქონდა მას ადგილი. მაგრამ ჩვენი მომქმედი ორგანიზაციები თავის დროზე ჩაერივნ და შეანელეს.

ცოტა რომ უკან დავიხიოთ, ჩვენ დავინახავთ, რომ 1924 წლის აჯანყების წინ, პარტიზანობას ფართე ასპარეზი ეჭირა საქართველოში. მოძრაობის მაშინდელი მეთაური დამკომი და მის ადრე ცალკე პარტიები, გრძნობდენ რა ამ მოვლენის საშიშარ

მხარეებს, მართავედენ მოლაპარაკებას პარტიზანების ბელადებთან და ახერხებდენ კიდევ მათ საერთო ფერხულში ჩაბმას და დამოუკიდებელ მოქმედებისგან თავის შეკავებას. ვინ არ იცის, როგორ მჭიდროთ იყო დამკომთან დაკავშირებული ქაქუცა ხლოწყა-შვილი, და აჯანყების მეორე დღეს ის მთლათ შორდება სამშობლოს, რაიცა იმის მომასწავებელი იყო, რომ პარტიზანული ბრძოლის ხანა განვლო საქართველომ.

მაგრამ ეს ხანა განვლილი არ ჰქონდა აზერბეიჯანს, პარტიზანულ გამოსვლებს ფართე ასპარეზი შარშან მიეცა იქ, ბევრი საგმირო საქმეებიც ჩაიდინა, და აი წელსაც ჩაღდება ის და აღმოსავლეთ საქართველოშიც გადმოდის, როგორც ზევითა ვსთქვით.

როგორია აზერბეიჯანელ ხელმძღვანელთა პოზიცია დღეს ამ მოვლენის მიმართ? ჩვენ გვესმის, რომ ისინი, მზგავსათ ქართველებისა, შვიდი წლის წინ, მიდიან იმ დასკვნაზე, რომ პარტიზანობა ორივე მხრივ მურელი იარაღია: არის მომენტი, როცა მას სარგებლობა მოაქვს, მაგრამ დგება მეორე მომენტი, როცა მანებელია. ამიტომ ისინი, ხელმძღვანელები, უკვე მიმართავენ სათანადო ორგანიზაციებს და თვით პარტიზანებს მათი მოქმედების შესაჩერებლათ და ძალების დასაზოგველათ უფრო ხელსაყრელ მომენტისთვის.

ჩვენ წარმოდგენილი გვაქვს, რა ხდება იმ რაიონებში, სადაც პარტიზანები მოქმედებენ: ხელისუფლების აგენტები გამოუთქმელათ აწიოკებენ მოსახლეობას, სძარცვენ, მიყავთ მძევლები, ხვრეტენ, ასახლებენ და სხ. ნუ დაივიწყებთ, გვეუსთვის პირდაპირ მისწრებაა ასეთი მდგომარეობის გაგრძელება, უამისოთ აბა რით უნდა გაამართლონ მან და მისმა დამქაშებმა საკუთარი არსებობა, ან როგორ შეუძლიათ ხალხის დაუბრველათ გაძლება?

მეტსაც ვიტყვით. ჩვენ საქმე გვაქვს ისეთ მტერთან, რომელიც არაფრის წინაშე არ შეჩერდება: მთელი დება-სოფლების მიწასთან გასწორებისგან, დიდი და პატარას ამოწყვეტისგან. განა არ ჩაუდენია ეს, განა ცოტა მაგალითები გვაქვს? ვინაა განმკითხავი? ნუ დავივიწყებთ, ჩვენ პატარა ერები ვართ, მამ ფიზიკური არსებობაც უზრუნველყოფილი არაა...

არის ერთი გარემოებაც, რომელსაც ანგარიში უნდა გავწიოს. ჩვენ ვართ იმ პრივილეგიურ მდგომარეობაში, რომ ხალხი ნდობით ეყარება ჩვენს ორგანიზაციებს და მეთაურებს. საჭიროა, აუცილებელი, რომ ეს ნდობა ბოლომდეც შევრჩეს მათ. როგორ ფიქრობთ, არის თუ არა გარანტია, რომ ეს ასე იქნება, თუ ხალხი გამწარდა გაუთავებელ აწიოკებითა და ცარცვა-გლეჯით? არ შეიძლება, იმედი გაუცრუდეს, ზურგი შეგვაქციოს?

შარშან კოლექტივიზაციის შეჩერება გამოიწვია არა მარტო აჯანყებებმა კავკასიაში, არამედ კიდევ უფრო წითელ ჯარში უკმაყოფილებამ. წელს ამ უკანასკნელ მოვლენას ვერ ვხედავთ, გარეგნულათ მინისტრალინი მისდევს ლენინის სერხს: ერთი ნაბიჯი



უკან, ორი ნაბიჯი წინ! მან დაიხია შარშან, ხოლო წელს უფრო ძლიერი იერიშით გადაფხალა შეტევანზე. ჩვენ უნდა მოველოდეთ, რომ ამ განაფხალის თესვის დროს ის შეანელებს შეტევას, მაგრამ არც ამან უნდა მოგვატყუოს, კოლექტივიზაცია ერთ-ერთი ქვაკუთხედი იქნება.

ერთი სიტყვით, დიდია პასუხისმგებლობა, და ამას კიდევ გრძობენ ხელმძღვანელები, როგორც ხევით დაეინახეთ. ჩვენ არ შეგვიძლია უფრო კონკრეტულად მივუდგეთ საკითხს. უცხოეთიდან ძალიან ძნელია გათვალისწინება, როგორ და რანაირად უნდა მოუარონ ადგილობრივ ამ საქირბორტო საქმეს. ერთი მაინც ცხადია აქედანაც, ეს მიიქმე მისსია უნდა იკისრონ ორგანიზაციებმა. მათ უნდა ჩაატარონ მწყობრად და უმტკინვალთ. პარტიზანები, მეორეს მხრით, უაქტივესი შემადარი არიან, მაშასადამე, მათი შენახვა, გადამალვა შესაფერ ქამის დაკვრამდე უალრეს საზრუნავ საგანს უნდა შეადგენდეს.

საბჭოთა კავშირი, რაც დრო გადის, უფრო და უფრო ცენტრალისტური ხდება, ძალა-უფლება დიქტატორის და მისი აპარატის ხელში დაგროვილი. ასეთ ძალას განაპირა კუთხეთა გამოსვლები ვერას

დააკლებს. ამიტომ ვამბობთ, რომ ჩვენი განთავისუფლება თვით საბჭოთა კავშირის საშინაო თუ საგარეო ვართულებასთან არის დაკავშირებული, დამოუკიდებელი საერთო კონიუნქტურაზე...

ჩვენი ორგანიზაციები მოწოდებული არიან ალო აულონ ამ საერთო კონიუნქტურას და თვითეული თავისი გამოსვლა შეუფარდონ მის განვითარებას. ძნელია, რა თქმა უნდა, ხალხისათვის პასიურად გადატანა ისეთი ბარბაროსული ოპერაციის, როგორცაა კოლექტივიზაცია. ბრძოლა მის წინამდებუნებრივია და აუცილებელიც, მაგრამ ფორმა ამ ბრძოლისა ყოველთვის ერთი და იგივე ვერ იქნება.

უკვე მომწიფდა დრო, როცა საქართველოს ორგანიზაციები უნდა გადაებან მეზობლების ორგანიზაციებს, შექმნან ადგილობრივ ერთი მძლავრი კავკასიის ფორტი, რომლის მიზანი იქნება თვითეულ რესპუბლიკის დამოუკიდებლობის აღდგენა და ყველა მათი ერთი დიდი კონფედერაციის ჯერ ქვეშ მოქცევა.

კავკასიის მთლიანი ფორტი თავის მხრით, იმედი გვაქვს, დაუკავშირდება სხვა ჩაგრულ ერთა ორგანიზაციებს მთელს საბჭოთა კავშირში...

ბ ი ო რ გ ი ლ ა ს ხ ი შ ვ ი ლ ი

გასული მარტის თვის 15-ს. დამის თერთმეტ საათზე ტფილისში გარდაიცვალა გიორგი ლასხიშვილი—იშვითა მებრძოლი და მკედელი სამშობლოს აღდგენისა, დიდი მამულიშვილი, ერთი საუკეთესო წარმომადგენელთაგანი ორი საუკუნის გადნასკვნზე გამოსულ თავობისა, უკეთილშობილესი ადამიანი, რომელიც თვით მთელ თავის არსებაში ატარებდა ახალს საქართველოს—თავისუფალს, კულტურისაანს, ქონებრივად წარმატებულს...

«მწარეა სიკვდილი, მაგრამ უმწარესია სიკვდილი დაუტირებელი, ცრემლ დაუფრქვეველი»—ასე ვიტყოდით ქართველები წინად ძველი წყობილობის დროს, როცა ერთად ერთი ჩვენი თავშესაკრებელი ადგილი მამულიშვილთა საფლავის გარშემო იყო და იქაც კი ხმაგაკმენდილნი უნდა ვყოფილიყავით, დატირება არ შეგვეძლო და გამწარებული დუმილით ჩვენს გულშივე ვიხრბდით ნალველს და კვნესას, ცრემლი შრებოდა და ერთმანეთისდა სახეზე ვპოულობდით უტყვე ნუგეშს, გამხნევენას და იმედს.

აი დღესაც კვდებიან, იღუპებიან საუკეთესო ქართველები და ვერაინა შემძლებელი მათი დატირების და პატივისცემის—ეს ხომ დანაშაულობაა იქ, სადაც თვით ქართველების შვილობა კანონის გარეშეა გამოცხადებული. გარდაიცვალა დაღლილი, დაქანცული აუტანელი წყობილებით, საყოველთაო უბედურებით, ერის ტკივილებით, და მდუმარედ მიაცილეს იგიც საუკუნო განსასვენებელს, თავჩაღუნულნი მისდევდნენ კუბოს ჭირისუფლები და ვერაინ უთხრა: საუკუნო მშვიდობით, ვერაინ გადასცა მადლობა ქართველი ხალხის სახელით!

საშინელია აკრძალვა სიხარულის, მაგრამ აკრძალვა გლოვის, მწუხარებისა? ადამიანთა ლექსიკონში არ მოიპოვება სიტყვა ამისთვის მსჯავრის დასადებად!..

მხოლოდ ჩვენ აქ უცხოეთში გარდმობვეწილთ, განსვენებულის თანამებრძოლთ, თანამოკალმეთ, მეგობრებს, ნაცნობებს, იმათ, ვისაც ერთხელაც არის გვინახავს ის, მოგვისმენია რამ მისი სხეებისგან, შეგვიძლია აქ თავმოყრილად შევეერთოთ ჩვენი ფიქრები და გრძობები და შორიდან მაინც მიუძღვნათ თავისუფალი გულითადი პატივისცემა და გამოსათხზოვარი იმას, ვინც ქუშმარითად იყო ძვირფასი ერისშვილი, დიდი ქართველი მოღვაწე, მეტად საყვარელი ადამიანი და ვინც ღირსეულად განვლო თავისი 66 (?) წელი.

გადავავლოთ თვალი მოკლედ მის ცხოვრებას, ჩაუუკვირდეთ მისი ზნის მთავარ ხაზებს: გიორგი ლასხიშვილი დაიბადა 1865 თუ 66 წ. (საკმაო მასალების უქონლობისა გამო დატებს სისწორით ვერ აღვნიშნავთ, სამწუხაროთ), სოფ. ჯიხიაში, ქუთ. მაზრაში. სწავლობდა ქუთაისის კლასიკ. გიმნაზიაში და მოწაფეობის დროსვე ჩაითრია საზოგადოებრივმა ცხოვრებამ და გაეცნო რევოლუციონურ მოძრაობას. გიმნაზიის დამთავრების შემდეგ შევიდა ოდესის უნივერსიტეტში; სტუდენტთა არეულობაში მონაწილეობის მიღებისათვის გადასახლებულ იქნა ციმბირში, სადაც დაპყრო რამდენიმე წელიწადი (სემპალატ). სამშობლოში დაბრუნდა ათას რუას ოთხმოცდაათიან წლებში (1893?). ხელი მოკიდა კურნალისტობას და გამოდიოდა იმ დროინდელ მოწინავე—პროგრესიულ

და დემოკრატიულ აზრების გამტარებლად. ჯერ მუშაობდა რუსულ «ნოვ. ობ.»-ში და მერე «ივერიაში» ლალის ფსევდონიმით. 1900 წ. ჟურნალმა «მოამბემ» შეიძინა ვ. გუნიასთან გაზეთი «ცნ. ფურცელი», რომელიც მაშინ მხოლოდ ახალი ამბების ფურცელი იყო, 1901 წლიდან გააფართოვა მისი პროგრამა, გადააქცია იგი სრულ პოლიტიკურ ორგანოდ და მისი ხელმძღვანელი შეიქნა გ. ლასხიშვილი, რომლის მეოხებით «ცნ. ფურცელი» მალე გახდა მეტად გავლენიანი გაზეთი და უდავო ისტორიული როლი ითამაშა შემდეგ წლებში. გიორგის გვერდში ამოუდგინ არჩილ ჯორჯაძე და სხვა რადიკალური ახალგაზდობა. ამას მოჰყვა ახალი, სოც.-ფედერალისტების პარტიის დაარსება. გიორგი უდავო სათავეში პარტიას. მართალია, პარტიის აგრესიული თეორიული იდეოლოგი იყო არჩილ ჯორჯაძე, მაგრამ პარტიის პრაქტიკული მუშაობის ხელმძღვანელი და პარტიის ლიტერატურული მოღვაწეობის მეთაური ყოველთვის გ. ლასხიშვილი იყო. მისი ცხოვრება პარტიის ცხოვრება იყო, მისი მოქმედება—პარტიის მოღვაწეობა, გიორგის ახსიათებს—რასაც პარტია წარმოადგენს. ერთის თანგვდასავალი მეორეს ჰგარავს. სოც. ფედერალისტების პარტიის მნიშვნელობა ასეთი იყო თუ ისეთი, ეს მიმართულება ჰქონდა თუ ის, ამ ხაზს ატარებდა თუ იმ ხაზს—ეს იყო სულ გიორგის ხაზი და მიმართულება. ის იყო მუდმივი შეუცვლელი თავმჯდომარე პარტიის მთავარი კომიტეტის, თავმჯდომარე საერთო კრებების და პარტიის წარმომადგენელი პარტიათაშორის თუ საერთაშორისო კონგრესებზე. იგი აძლევდა ტონს პარტიის გაზეთებს და სხვა გამოცემებს. და ეს გვეგმონობა, ეს სრული ლიდერობა მას არ დაუტოვებია ერთ წუთსაც 30 წ. განმავლობაში, ის მოკვდა ამ საპატიო პოსტზე, ის იყო პარტიის დარაჯი სულის ამოხდამდე...

აი კიდევ ზოგი ფაქტიური მხარე მისი ცხოვრებისა: 1905 წ. პარტიის დავლებით პარიზში იქნა ფარულად გამოგზავნილი, რომ ხელმძღვანელობდა გაეწია ჟურნალ «საქართველოსათვის» და საერთო უცხოეთის მუშაობისთვის, ვინადგან იქ მყოფი არ. ჯორჯაძე იმ დროს მიიღე ავად გახდა... 1910 წ. გიორგი დაატუსადა ჟანდარმერიამ სხვა მის ამხანაგებთან ერთად, რამდენიმე თვე მეტეხში იჯდა და იქიდან გადასახლეს რუსეთში. ცხოვრობდა ხარკოვში, მაგრამ არ იფიქრებდა პარტიას და ღანდაღან წერილებს აწვდიდა გაზეთს. 1913 წ. დაბრუნდა ტფილისში, შევიდა ბანკის სამსახურში—ხოლო ფაქტიური ხელმძღვანელი პარტიულ გამოცემების და მუშაობის ისევ იყო მუდამ. უნდა აღვნიშნოთ, რომ გიორგის თვალები სტიკოვდა და ექიმები უკრძალავდენ მწერლობას. ეს თვალის სისუსტე თანდათან იზრდებოდა, რაც ხანში შედიოდა... დადგა 1914 წ., გიორგიც დიდს ცვლილებებს მოელოდა მსოფლიო ომისაგან. მაგრამ მისი ორიენტაცია, წინამდებ ზოგიერთი მისი ამხანაგისა, იყო საფრანგეთის გამარჯვებაზე დამყარებული. მოხდა 1917 წლის რევოლუცია, გიორგი ისედაც მუდამ მხნე, ახლა მთლად გაემწვილებული შეეყრებდა მომავალს. მისი მისწრაფებების უდიდესი და გვირგვინება იყო 26 მაისი. გიორგი მიწვეულ იქნა აღ-

დენილი საქართველოს, თავისუფალ საქართველოს პირველ სამინისტროს განათლების მინისტრად...

განვლო სანეტარო წლებმა. ჩვენს სამშობლოს თავს დაატყდა საშინელი კატასტროფა—გარეშე მიხეწებისა გამო, მაგრამ ჩვენი საკუთარი დანაშაულის დიდის მონაწილეობით. როგორ შეხვდა გიორგი ბოლშევიკების შემოსვლას? მთელი თავის არსებით წინააღმდეგ მოძალადეთ—ან კი შეიძლებოდა სხვანაირად? ბოლშევიზმი ხომ სრული უარყოფა იყო გიორგის ბუნების. მის გარშემო შემოკრბა ამხანაგთა ცხრა მეათედი პარტიულ კონგრესზე, რომელიც გაიმართა ოკუპაციის პირველ თვეებში.

1922 წ. თებერვალში გიორგის ბოლშევიკები მეტეხში ჩამოწყდევნენ, იქა რამდენიმე თვე. მერე გამოუშვებენ, მაგრამ სასტიკად ადვენებენ თვალყურს მოხუცს, რომელსაც ისე დაუსუსტდა თვალები, რომ ქუჩაში მარტო გავლაც კი უძნელდება... აი 1924 წ. აგვისტო: როგორც კი იფეთქა სახალხო აჯანყებამ, გიორგი მაშინვე დაატუსაღეს და აღბდა საშინელს ბელს უმზადებდენ. მაგრამ მისმა ერთგულმა ცოლმა, გიორგის ბედით თავზარდაცემულმა—იგი უკვე დაღუპული ეგონა—თავი მოიკლა. ამ ტრაგედიამ ბოლშევიკებიც კი დააფიქრა—გიორგი განათავისუფლეს მეგობარ ცოლის დასახაფლავებლად...

ჩვენ—აქ უცხოეთში მყოფთ, რომელთაც შეგვიძლია მყუდროთ დავიძინოთ და მყუდროთ გავიღვიძლოთ დილით. არ ძალგვიძს წარმოვიდგინოთ საშინელება მდგომარეობისა სამშობლოში მყოფ ჩვენი მამების, დედების, ძმების, შვილების. გამუდმებული სიკვდილი, სიკვდილი ყოველ წუთს—არა, სიკვდილი კი არა (სიკვდილი ხომ ბედნიერება ხშირად): წამება, წამება დაუსრულებელი—ხორციელი, სულიერი, მორალური! პირადი ვაება კი არ კმარებს—ეს ადვილი ასატანია. ხედავ დღემუდამ, ყოველ ქამს სხვების დაღუპვას—სხვების, რომლებიც გიყვარდა, რომელთათვის ცოცხლობდი. გიორგი ხედავდა—ხედავდა კი არა, გრძობდა, სუნთქავდა თავის ერის გოლგოთას, მაგრამ არა ჰქნას, როგორ უშველოს? მოხსუნდა, ავადმყოფმა, თითქმის ბრძამს! ბოლშევიკები გადაკვრით ეტყოდენ: «გიორგი, შენ ჩვენ წინამდებე იბრძვიო». «ოჰ, უპასუხებდა გიორგი: ნეტამც შემეძლოს, მაგრამ ვაი რომ ძვალის და ტყავის მეტი არაფერი შემჩრჩაო». ამასთან ერთად იგი ამხნევებდა ამხანაგებს, უფრო მეტად ახალგაზდებს ბრძოლისთვის ახალისებდა. გალილესავით ეუბნებოდა: «დედამიწა მაინც ბრუნავსო! საქართველო აღსდგებაო!..»

ასეთია გიორგი ლასხიშვილის უკანასკნელი თვეები. იგი დანდა, მოკვდა. იგი მოკვდა არა გაცივებამ, არა ფიზიკურმა სენმა, არამედ ჩვენი ქვეყნის დღევანდელმა ტრაგედიამ...

აი ზოგადად მოხანული გარეგნული ამბები განსვენებულის ცხოვრების. მაგრამ განა ეს მშრალი ფაქტები დაგვიხატავს და გავიცხოველებს მის საყვარელს პიროვნებას? მსგავსი ფაქტებით იგი შეიძლება არაფრით განსხვავდება ჩვენი დროის სხვა მოღვაწეებისაგან? არა, მისი არსების შესაცნობად მარტო მშრალი ამბები არა კმარა—განსვენებული მეტად სრული, მთელი, ცოცხალი ინდივიდუალობა



იყო, რომლის გაგება და დაფასება შესაძლებელია მარტო პირადი დაახლოვებით, ნაცნობობით. მეგობრობით, მასთან ურთიერთობის უშუალო განცდით. ის არ ყოფილა წიგნი, განყენებული თეორია, ის იყო სიცოცხლით მფეთქავი არსება ერთი, მთლიანი ყველაზე და ყველაფერში. მისი სამშობლოს სიყვარული—უკეთილშობილესი ნაციონალიზმი, მისი დემოკრატიზმი, მისი სოციალიზმი, მისი მორალი, მისი ესთეტიზმიც—ყველაფერი ეს ერთი ძირიდან წარმომდინარეობდა, ერთიმეორეში იყო გადასკვნილი—გადაჯაჭვული, ერთი მეორეს შეავსებდა, ერთი მეორეს ასაზრდოვებდა. გიორგიმ არ იცოდა თავის ცხოვრების და მოქმედების დანაწილება, მას არ ქანდა საშინაო და საგარეო პოლიტიკა, პოლიტიკის და მორალის განცალკევება, მისთვის ესთეტიკა-სიმშვენიერე არ წარმოადგენდა პოლიტიკისა და მორალისაგან დაშორებულს სფეროს. ამ მხრივ ჩვენ გ. ლასხაივილში ვხედავთ სრული ადამიანის იშვიათს განსახიერებას ჩვენში, სანიმუშო ლამპარს მომავლისათვის.

თავის ქვეყნის უსაზღვრო მოსიყვარულე, თავის ერის ქალებრივ-კულტურულ ამაღლების მოტრფიანი, მისი თავისუფლებისთვის მუდმივი მებრძოლი იგი ყოველთვის და ყველასთან პირდაპირს, პატიოსნურ და კეთილშობილურ მეთოდს მიმართავდა. როგორც თბოლი, გულითადი, წრფელი იყო თავის პირად მეგობრებსა და ამხანაგებთან, ასეთივე იყო მუდამ გარეშეებთან, უცხოთათანაც. მისი დამოკიდებულება მოწინააღმდეგე პარტიებთან თვით უდიდეს გამწვავების დროსაც არასოდეს მიიღებდა გაბოროტების ხასიათს. სულით და გულით მოწადინე კავკასიის ერების დაახლოვების და ერთობის, ის გამონახავდა საერთო გასაგებ ენას და უკანა რიგში დააყენებდა, რაც იყო გამთიშავი და დამაშორებელი. კავკასიის ერთა კონფედერაციის დღევანდელნი მოღვაწენი გვერდს ვერ აუხვევენ გიორგის გაკაფულს გზას.

მისი დემოკრატიზმი და სოციალიზმი იყო ისეთი, როგორსაც ვხედავთ დღეს ევროპის კულტუროსან ქვეყნებში. აგებული ადამიანის თავისუფლებასა და თვითმოქმედებაზე, და ემყარებოდა, ან უკეთ წამომდინარეობდა მისი ღრმა მამულიშვილობისაგან. დემოკრატია და სოციალისტი მხოლოდ იმიტომ, რომ მისი რწმენით ესაა გზა ქართველი ერის ამაღლების და სრული გაშლა-განვითარების. ხოლო მამულიშვილობა და დემოკრატობაც (სოციალიზმით) მისთვის უმაღლესი მორალის იმპერატივია—თავისუფალი ერი, თავისუფალი ადამიანი, სამართალი ერთა შორის და სამართალი ადამიანთა შორის—ეს არის მცნება მისთვის განუყოფელია. და თუ ეს ასეა, მაშინ ხელოვნება ხომ უძლიერესი იარაღია სამართლიანობის გრძნობის განსაღვიძებლად და ჩვენ ვხედავთ როგორი თავიანთსმცემელია გიორგი ესთეტიური განვითარების...

დინჯს, ფრთხილს, აუჩქარებელს უყვარდა მოსაზრებულნი, კარგად აწონილდაწონილი მოქმედება. არ უყვარდა უცბად აპილილება, უცბად ანთება, რომელსაც ჩვეულებრივ უმაღლვე ჩაქრობა მოყვება

ხოლმე. უკიდურესობას გაუბრბოდა და პარტიულ მოღვაწეობაში ეჯავრებოდა როგორც უკიდურესი მემარჯვენეობა ისე უკიდ. მემარცხენეობა. განახლებულს სამშობლოსაც ის სიფრთხილეს და სიდინჯეს ურჩევდა, რომ თავიდან აგვეციდინა ყოველი ხიფათი, რომელიც გამზადებული იყო ირგვლივ. მაგონდება ის დრო, როცა ინგლისელებს ბათუმის დასაცვლელად ვაჩქარებდით. მაშინ საერთაშორისო ვითარებაში ჩახედულნი არ ვიყავით და არ ვხედავდით, თუ რას განგვიმზადებდენ მტრები. გიორგიმ, რომ ხედავდა მაშინდელს ჩვენს საერთო სულიერ განწყობილებას, ნახევრად სუმრობით, ნახევრად სერიოზულად სთქვა: ნუ კი ვიჩხუბებთ ინგლისელებს, კალთაში ხელი ჩავჭიდოთ და ნუ გავუშვებთო. ეს რასაკვირველია არ ნიშნავდა ინგლისელების ბატონებად მოწვევას. მაგრამ ვინ იცის, ეგებ მაშინ რომ უფრო ფრთხილნი და ჩახედულნი ვყოფილიყავით, უფრო სწორ ხაზს დავდგამოდით...

მეტისმეტად სიმპატიური იყო გიორგი კერძო დამოკიდებულებაში: უბრალო, გულითადი, მოსიყვარულე, ნაზი, თავნაიანი, ჭირის და უბედურების გულწრფელი მოზიარე, მწუხარების შემსუბუქებელი; მზიარული და საერთო სიამოვნების გამომწვევი ღიზინის დროს. მომღერალი და ლოტბარი, გამართობელი, ტკბილი მოსაუბრე—ყველგან იმედის და გამხსენების შემტანი, ყველასათვის საყვარელი...

ასეთია მკრთალად გადმოცემული სახე გიორგი ლასხივილისა ჩემში, რომელიც ოცდაათი წლის განმავლობაში საერთო მისწრაფებებით და საერთო მუშაობით ვიყავი მასთან მჭიდროთ დაახლოვებული. ვფიქრობ, რომ ასეთი იქნება მოგონება ყველასი, ვისაც კი თუნდაც მცირედი ურთიერთობა ჰქონია განსვენებულთან. მისი პიროვნება ყოველთვის დარჩება როგორც მშვენიერი გამოხატულება კეთილშობილური ქართული ტიპის, განებრივი და ზნეობრივი ღირსებით შემკულის, თავის ქვეყნის ერთგული და თავდადებული შვილის. თამამად შეგვიძლია—ჩვენს ახალგაზრდობას, მოზარდ თავობას მიუთითოთ გ. ლასხივილის სახეზე და ვუთხრათ: აი მაგალითი თქვენთვის! და დავსძინოთ, რომ განსაკუთრებით დღეს ღრმად დაიძვიდრონ თავიანთ გულში გიორგის ანდერძი სიკვდილის წინ: «ბრძოლა ბოლშევიკებს სამშობლოს განსათავისუფლებლად! საქართველო. ცოცხალია—იგი კვლავ თავისუფალი იქნება!»

და თუ დღეს შებოროტობა სამშობლომ დუმილით მიაცილა გიორგი ლასხივილის კუბო საფლავამდის, დადგება დრო, მაღე დადგება, როცა მადლობელი ერი, დიდის დღესასწაულით აღბეჭდავს მის სახელს თავის უკვდავთა, მარად სახსენებელთა, უსაყვარლეს შვილთა საპატიო დაფაზე!

ს. ფირცხალავა.

დიდი ქართველის ხსოვნას.

საქართველოს სოც.-რევოლ. პარტიის სახელით ღრმა მწუხარებას გამოვსთქვამ გიორგი ლასხივილის გარდაცვალების გამო. განსვენებული ბევრ

მხრივ იყო საინტერესო პიროვნება: დიდი პატრიოტი, მაღალი იდეალისტი, მტკიცე რევოლუციონერი და სოციალისტი, უსაზღვრო ენერგიით და ხალისით აღჭურვილი დიდი მიზნების განსახორციელებლათ, მხნე, მუდამ მხნე დიდ დაბრკოლებებში. დიდ გაქვივრებებშიც კი, ის იყო ჭეშმარიტი ადამიანი და მოქალაქე. მას სისწორით ქონდა შეგნებული ადამიანის ყოფნის აზრი და დანიშნულება და უკანასკნელ წუთამდე, მიუხედავად მოხუცებულობისა, საუკეთესო იდეალებისათვის მებრძოლთა პირველ რიგებში იდგა. გიორგი ლასხიშვილი დიდი დანაკლისია არამც თუ მარტო საქართველოს სოც.-დემ. პარტიისათვის, არამედ მთელი ერისათვის. მან, ტანჯულმა, ტანჯულ საქართველოში დალია სული, მისი სული შეუერთდა საქართველოსთვის სხვა თავდადებულთა სულსებს.

მის საფლავს დღეს ღირსეულათ ვერ დაიტრებებს მგლოვიარე ერი, მაგრამ შორს აღარ არის ის დრო, როდესაც გამარჯვებული საქართველო თავდადებულთა საფლავებს მონახავს და მათ ერთ უკვდავ პანთეონს მიუჩენს.

კიდევ ერთხელ მოწიწებით მუხლს ვიყრი განსვენებულის სსოვნის აღსანიშნავათ.

ილია ნუცუბიძე.

მ ი ვ ი წ ე მ ბ უ ლ ი ს ა ფ ლ ა ვ ი

მრავალი ძვირფასი საფლავია გათხრილი საქართველოში და აქ უცხოეთში... ბევრი დაუეწყარი მიცვალებული ჰყავს ქართველ ხალხს თავის მიწაზე და მის გარედ.

მივეჩვიეთ საფლავებს, აღარ გვაკვირვებს სიკვდილი:—გამშრალია მწუხარების ცრემლი.

ვივიწყებ ტანჯვას:—ერის ბრძოლა, მისი თავდადება ჰფარავს ყველაფერს. ვივიწყებ სიკვდილს სიცოცხლისათვის.

მაგრამ უცვლელ სახეების აჩრდილები ჩვენთან არიან:—გვახსოვს მათი საქმეები, მათი ბრძოლა საქართველოსათვის.

რადგან ვადასტურებთ ჩვენს ისტორიას, ჩვენს შორ და ახლო წარსულს, რომელიც ქართველი ხალხის მომავალს აპოხიერებს, გზას უნათებს. და თუ ძვირფასნი არიან საქართველოსათვის მებრძოლ გმირების ახლად გათხრილი უამრავი ნაცნობი და უფრო მეტი უცნობი საფლავი,—ძვირფასნი არიან, უნდა იყვნენ მაშინ ის ასე ნაცნობი საფლავებიც, რომელნიც მამებს, მასწავლებლებს, გზის მაჩვენებლებს ეკუთვნიან.

ასეთი საფლავი ბევრია:—საქართველოში,—უცხოეთშიც...

მე დღეს მინდა მხოლოდ ერთზე შევაჩერო მკითხველის ყურადღება.

ლაიფციგის ახლო მდებარე პატარა ქალაქ გერაში, მის ერთ სასაფლაოზე დამარხულია გერმანიაში ომის დროს გარდაცვლილი პოლიტიკური მოღვაწე და მწერალი ლადღ დარჩიაშვილი...

გ. ლასხიშვილის პანაშვიდი პანისში.

კვირას აპრილის 19-ს პარიზში გადახდილი იქნა სამოქალაქო პანაშვიდი გიორგი ლასხიშვილის ხსოვნის პატივსაცემლად. Pompe-ის ქუჩაზე კოხტა დაბაზში შავად დაფარულ მაგიდაზე აღმართული იყო განსვენებულის სურათი, ცოცხალი ყვავილებით უხვად მორთული. სურათის წინ გადაფენილი იყო ეროვნული დროშა. დაბაზის გაუქვილი იყო მეგობართა და პატივისმცემელთა მიერ (მთავრობის წევრები, ელჩი, დამფ. კრ. თავმ. ამხ. ექ. თაყაიშვილი, პარტიული მოღვაწეები განუტრეველად მიმართულებისა და სხ.). იყვნენ სომხების, ადერბეიჯანელების და მთიულების წარმომადგენლებიც. კრების თავმჯდომარემ ს. ფირცხალავამ მოუწოდა დამსწრეთ. ფესზე ადგომით პატივი ეცათ მიცვალებულის სახელისათვის. ორკესტრმა დაუკრა შოპენის სამგლოვიარო მარში, რომელიც საზოგადოებამ ფესზე დგომით მოისმინა. თავმჯდომარემ მოიგონა მოკლედ გ. ლასხიშვილის ცხოვრება და მოღვაწეობა და დაახასიათა მისი პიროვნება. სიტყვები წარმოსთქვეს ი. ზურაბიშვილმა, კ. ქავთარაძემ და ი. ნუცუბიძემ, რომელთაც მხურვალეთ აღნიშნეს დიდი მამულიშვილის მთავარი ღირსებანი. დასასრულ ორკესტრმა შეასრულა ბეეტ-ჰოვენის მესამე სიმფონიის ნაწილი, რომელიც საუცხოოდ გამოხატავს გლოვას გმირის დაღუპვისათვის.

მომორებულმა ოჯახურ კერას, სამშობლოს, რომელიც ასე უყვარდა, მეგობრებს, უცხოეთში დალია სული სახელოვანმა ქართველმა განმარტოებით.

15 წელიწადი გავიდა მას აქეთ... 60-კი მის დაბადების დღიდან... ლადო დარჩიაშვილი დაიბადა 1871 წელს, რამდენადაც ვიცი... ჩემდა სამწუხაროდ არ ვიცი დანამდვილებით, სად დაიბადა ძვირფასი ლადო, მაგრამ ვიცი, რომ იმ მხარეს, საიდანაც გამოვიდა დარჩიაშვილი. ჰქვიან მშვენიერი კახეთი.

ტფილისის სასულიერო სემინარიაში სწავლობდა და შემდეგ ბელგიაში, ბრიუსელში, უფლების მეცნიერებას.

საქართველოს ისტორიამ, მისმა დიდმა წარსულმა, აწმყოში კი მისმა მშრომელმა ხალხმა ურწია დარჩიაშვილს იდეური აკვანი და, მომწიფებულს, საერთაშორისო იდეალების თეორეტიული გაგება და პრაქტიკული მიღება მათი საქართველოსათვის გაუადვილა.

და როდესაც, ევროპიული ცოდნით და გამოცდილებით აღჭურვილი, მდიდარ მაგალითებით და განცდებით დატყვებული, ლადო დარჩიაშვილი სამშობლო მხარეს დაუბრუნდა, ის უკვე გარკვეული პოლიტიკური პიროვნება და მწერალი იყო, რომელმაც იცოდა, რომ ნაციონალური და ინტერნაციონალური ერთმანეთს კი არ ეწინააღმდეგებოდა, არამედ ავსებენ, რომ ეროვნული თვითარსებობისათვის ბრძოლა სოციალურ ბრძოლას ხელს სრულიად არ უშლის,—პირიქით. სოციალური ბრძოლა—მოვლენა ინტერნაციონალური, საერთაშორისო ფესს



იკიდებს, ვითარდება, მოძრაობს, ირკვევა განსაზღვრულ ტერიტორიალურ, ისტორიულ, კულტურულ და ეთნიურ კალაპატში, რომელსაც ეროვნული, ნაციონალური ჰქვია.

დარჩიაშვილის სოციალ-პოლიტიკური მსოფლმხედველობა ჩამოისახა 1894 წ. ევნატე ნინოშვილის საფლავზე, როდესაც მან, 23 წლისამ, სილიბისტრო ჯიბლაძესთან და სხვებთან ერთად «მესამე დასის» პროგრამა გადაშალა...

ამ მსოფლმხედველობას გარკვეული ეროვნული ხარჩო და ქართული სახე «ალიონში» მიეცა, მას შემდეგ, რაც ქართველ სოც. დემოკრატებმა, რომელსაც ლადო დარჩიაშვილი ეკუთვნოდა, მისი შეხედულება ეროვნულ საკითხზე, ამ საკითხის სადისკუსიოდ დასმა დროულათ არ მიაჩნია.

დარჩიაშვილი წავიდა პარტიიდან და დაარსა «ალიონი»... ის აღიარებდა, რომ ყოველ სოციალისტურ და დემოკრატიულ შეერთებისათვის აუცილებელია გარკვეული პროგრამული შეხედულება ჰქონდეს ეროვნულ საკითხზე გამომუშავებული. მით უმეტეს სავალდებულოა ეს იმ სოციალისტური პარტიისათვის, რომელიც დამოუკიდებელ ერს ეკუთვნის.

ეროვნული საკითხი მისი შეხედულებით არის საკითხი პრინციპის, ასეთი უშვებელი საკითხის ტაქტიკურ საკითხად აღიარება დაუშვებელია. ზოგადი დებულება «ერის თვითგამორკვევის უფლებისა» საკითხს სრულიად ვერ არკვევს, ვერ ხსნის, — პირიქით სდებს, აფუჩეჩებს... და ლადო დარჩიაშვილმა საკითხი ეროვნულ თავისუფლების საპრაგრამოთ წამოაყენა. აქ უნდა ითქვას: ამ საკითხის მის მიერ გაშუქება, გარკვევა ვერ იყო ბოლომდე გაბედულად და გარდაწყვეტით განვითარებული, წერტილ-დასმული.

ეს არ იყო საქართველოს სრული თავისუფლების, სუვერენობის, დამოუკიდებლობის მოთხოვნა. ამას ბევრი სხვადასხვა მიზეზი უშლიდა ხელს.

მაგრამ უკვე საკითხის დაყენების ცდა და მისი ყოველმხრივი გაშუქებისა, სწორედ სოციალისტური და დემოკრატიული თვალსაზრისით იყო მომავლის გზაზე მნიშვნელოვანი მიჯნის დასმა.

რა საჭიროა ვარკვიოთ ესლა ის, თუ ვინ იყო მართალი... ამის გამორკვევა ისტორიას ვაცალოთ:

ის იტყვის ამის შესახებ თავის პირუთვნელ სიტყვას. და უბედური ლადო:—ის ვერ მოესწრო საქართველოს თავისუფალს, დამოუკიდებელს,—26 მაისს და მის დროშას.

და ბედნიერი: მან ვერ ნახა თავისი თვალებით ამ საქართველოს კვლავ დაპყრობა იმავე მტრის მიერ—ესლა სოციალიზმისა და მშრომელ ხალხის სახელით,—მისი გაყიდვა მისივე უღირს, მოღალატე შვილების მიერ 30 ვერცხლად,—უმაგალითოდ დანაშაული, ბოროტება, სისხლის ღვრა, რომლითაც მოწყურულია ძვირფას სამშობლოს მიწა.

ორივე შემთხვევაში, რომ ეცოცხლა, ის ხომ—გუშინ და დღეს—მის თანამებრძოლებთან, მის მეგობრებთან, მთელ ქართველ ხალხთან იქნებოდა მის საყვარელ სამშობლოს ორგულების, მტრების, დამპყრობელების წინააღმდეგ...

გერმანია, დიდი ომი, ლაიფციგი და პატარა გერა...

ავადმყოფობა და შემდეგ სიკვდილი მარტოობაში. მაგიწყებული ძვირფასი საფლავი...

მახსოვს 1916 წელი ტფილისში, ლადო დარჩიაშვილის სიკვდილის ამბავი რომ მოვიდა... მახსოვს მოწოდება სოც. დემოკ. პარტიის ბელადის, რომელიც ასე უყვარდა განსვენებულს და პანაშვიდი ქაშვეთის ეკლესიაში, შიგნით და ეზოში საცხე ახალგაზდობით, ტფილისის მშრომელებით, ინტელიგენციით,—მთელი ქართველი საზოგადოებით.

მახსოვს წრფელი მწუხარება მეგობრების და როგორც უკანასკნელი აკოროდ გულიდან ამოხეთქილ ხმებისა, დღესაც მესმის კვნესა და გლოვა ლადოს მეუღლის-მეგობრის, ცხარე ტრემლებს რომ ჰღვრიდა მაშინ საქართველოში...

ნუ დავივიწყებთ, მოუაროთ, ვუპატრონოთ ძვირფას საფლავს,—გუპატრონოთ მანამდე, სანამ საშუალება მოგვეცემოდეს სხვა დაუფიქრარ მიცვალებულებთან ერთად დარჩიაშვილის ცხედარსაც საყვარელ სამშობლოს დავუბრუნოთ, მის თბილ მიწას მივაბაროთ...

გავაცხოველოთ მოგონება, გავისხენოთ ლადო დარჩიაშვილი!

მ. წულუკიძე.

ბერლინი.

ს ა ქ ა რ თ ვ ე ლ ო ს ა ლ ზ ო მ ი ს ა თ ვ ი ს

ქართველ ემიგრანტ ქალებს ვუძღვნი მოგზალებით და სიყვარულით.

ათი წელი—სხვის კარზედ გატარებული, ათას მძიმე ლოდით აწევს დღეს ქართველ ქალის გულსაც. ნაოჭებმა დასერეს მისი შუბლი, ჯერ კიდევ ახალგაზდას თმა გაუყავდა, და დაუსრულებელმა, უხალისო შრომამ და ჩუმმა ცრემლებმა მოახარეს—დააზრეს მისი ყვავილავნობა.

რა უხვად ეყარა ეკლები ამ ათი წლის ცხოვრების ბილიკებზედ, რა უწყალოდ იფლითებოდა ქართველი ქალის ნახე გული ამ მანძილზედ, რამდენმა

გაუგონარმა და უსაშინელებმა ამბებმა—შორეულ სამშობლოდან გლოვის ზარებად მის ყურამდერ აღწევდენ—შეძრწეს მისი სათნო და სათუთი ბუნება!

მაგრამ გინახავთ თქვენ გატყნული და დაცემული ქართველი ქალი? გსმენიათ მისგან უიმედობა, ჩივილი და საყვედური? არა, მას საამისოდ თითქმის არც კი ეცალა—და ან ვის უნდა შესჩივლოს, ვინ უნდა ისაყვედუროს, როცა უწყველ ქართველის უსაზღვრო ტანჯვის და განსაცდელის სურათი თვალ წინ ეშლებათ.

არა, ის არავის არ ასამართლებს ეხლაც, როგორც ამ ათის წლის წინად, როცა მას ახლად გაწყობილი ქართული ოჯახი ველურად დაურბიეს, როცა საყვარელ კერას მოულოდნელად მოვლიჯეს, და გონება მოუკრეფლად შავის ზღვის ნაპირას უცხო გემში ჩასვეს, უცხო ქვეყნებში გარდასახეწად. რამდენ უძირო მწუხარებას მოეზიდებოდა ის მაშინ ამ ცივ ტალღებში, რამდენად ცრემლებით სცილდებოდა ის თანდათან საყვარელ სამშობლოს მიწის უკანასკნელ ნაკვთს! მიიმალა მარტის ცივ საღამოს ზღაპრული ბათუმის ნაცნობი ახალ გაზაფხულისათვის აყლორტება და ჩაიძირა ქართველი ქალის მზეც. დაიწყო მისი ნადრევი, ცივი და სუსხიანი შემოდგომა, შემოდგომა სევდით დატვირთული, უსიცოცხლო, ცრიატი და უსრულებელი, უძირო..

მაგრამ მან მის გვერდით მდგომ, თავჩაქინდრულს, მუმუნვარე ქმარს საყვედური არ ჰკადრა; არა თუ არ მოაგონა ნებსითი თუ უნებლიეთ ჩადენილი შეცდომები, არც კი ჰკითხა იმის მიზეზი, თუ რად შევდით ამ კატასტროფას ასე არა საკმაოდ მომზადებულნი?! რალა საჭირო იყო ეხლა ამგვარები!.. ქალურის ღრმა ინტუიციით მიხვდა, რომ «მტყუანი» აქ მარტო უნწორო ძალთა განწყობილება იყო, ისტორიულ მტრის მლიქვნელობა და შურის ძიება ამირანისადმი, მოულოდნელად ჯაპვი რომ გასწყვიტა და ატყორცნილ საქართველოს «დიდების» პიშინ მთელი ქვეყნისთვის მოეფინა... და გადმოხვეწილ ქალს მოჰქონდა თან დიდი ვარამი და უფრო დიდი ფილა მოთმინება-ატანისათვის.

არც ეხლა, ამ ათი წლის წამების შემდგომ არა სმენიათ მათ ქმრებს დალილობის და სასოწარკვეთილების სიტყვანი. არა... ქართველმა ქალმა იცის, რომ მასაც ისეთივე უფლება აქვს თავისი თავი საქართველოს ღირსებისათვის მებრძოლთა რიცხვში ჩაირიცხოს, და განა დიდის საქმისათვის მებრძოლ დიდი მოთმინება და ატანა არ სჭირია?! და ისიც იტანს ყოველგვარ გაჭირვება-დამცირებას იმ წმინდა დროშისათვის, რომელიც თავის ქმართან ერთად გამოიტანა ტფილისიდან იმ საბედისწერო 24 თებერვალს დამით, მალულად, რათა მოღალატის ხელი ამ სისოებას არ შეეხებოდა. მას შემდეგ მოაქვს ის სათუთის სიყვარულით, დაუღალავი შრომით და ვნებიანის ლოცვით მისი წმინდა აღდგომისათვის..

მწარე შეიქნა მისი ბედი, მაგრამ ის მაინც უტეხი და ამაყია; მეტიც—ის რაინდა თავისი ბედის, მასზე უწონიერ შეყვარებული. «ქართველო დედავ, დედავ ქართლისა...» ესმის მას და ერთბაშად აიწყდება ათის წლის მანძილზე გაწეული ვაება და დაკოდილ გულის სევდაც მჩატე ხდება. სასოებით შლის ძველ სახარებას, «ქართლის ცხოვრება»-ს და ხელახლა ამოიკითხავს წმინდა, განათებულ სახელებს ქართველ დედათა, რომელთაც თავის თავი დასდევს სამშობლოსა და ერისათვის და სჯერა, რომ მისი უჩინარი შრომაც მომავალი საქართველოსათვის საჭირო გახდება, რომ ეს წყვილიც მალე გაქრება და ქართლის მზე ისევ დიდებით ამაღნათებს... ამ რწმენით და სიყვარულით სდგას ის ეს ათი წელია მამაკაცის გვერდით, უღებობს და უამებს

ღრმა ტკივილებს და არაფერს ითხოვს. ათი წელია მან თავისი თავი დაეიწყება მისცა, მარტო სხვისთვის ცხოვრობს, სხვას ედება ზვარაკად, მარტო სხვათა ტკივილებს თუ გრძობებს და ერთად ერთი, რაც მას აწუხებს, ესაა შიში, რომ მის გვერდით მდგომი მამაკაცი ამდენ სიღუჭიურეს და წამებას ველარ გაუძლებს, ჩაიკეცება, გატყდება და მტერს ეს «სიმხდალეთ» მოეჩვენება...

... ხანდისხან ქალის ინსტიკტი მეტ ქეშმარიტებას მეტყველებს, ვიდრე მეცნიერული ჰიპოტეზები და, სწორედ ეს ინსტიკტი იყო, რომ ქართველ ქალს ამ 10 წლის წინად ჩვენი ერის ახალ ტრაგედიის ხანგრძლივობაში არწმუნებდა... ქალს არა სჯეროდა ემიგრაციის პირველი იმედიანი შეძახებანი—იცოდა რომ ბრძოლა ხანგრძლივი და სასტიკი იქნებოდა, და მან თავიდანვე დაიწყო ახალ მდგომარეობის მიდამოს ფხიზელი ანალიზი და «ზევრვა». მან მაშინვე უცხოეთში ქართულ ტრადიციების შენახვა-გაგრძელებაზე იფიქრა, ოჯახის, ახალ კერის ქართულის იერით დაფუძნებაზე, შვილების ეროვნულ აღზრდაზე და ყველაზე უწინ კი ეკონომიურ ბაზის შექმნაზე.

ჩუმად, სხვათა დაუხმარებლად ჩაჰყარა ამ ახალ პაწია შენობის საძირკველი და უმძიმეს პირობებში დაიწყო შრომა ქართულის სულის და იდეის შენახვისათვის. არა, მას ვერაინ ეტყვის საყვედურს, ვერ ჰკადრებენ—რომ მეტის ვაკეთებაც შეეძლოს, ეს ხომ უსამართლობა იქნებოდა!..

უცხოეთში, უთვისტომოდ, უსახსროდ და უენოდ დაიწყო ღამების თეთრად თენება: ქარგა, ქსოვა, სჭრა, კერა, რეცხა და აუთოვა. არა რცხვენოდა სამუშაოს ძიების, არც მიძიმე და შავი საქმე აშინებდა და უსაზღვროდ იყო ბედნიერი, როცა პატიოსანის შრომით შენაძენ გროშებით შვილების სწავლის ფულს გადაიხდიდა, ოთახის ქირას დროზედ გაასწორებდა და თვის განაწამებ ქმარს თბილ კერას და თბილ ლუკმას არ აკლებდა.

კიდევ მეტიც: მან შესძლო მრავალ მამულიშვილისათვის მზრუნველობის ხელისგაწვდენა და ღარიბულ ლუკმის გაზიარებაც.

და ამას ის ისეთი სიყვარულით, სისადავით ჩადიოდა, რომ მამაკაცისთვის, სრულიად გარეშესთვისაც ეს დახმარება სათაკილო არ გამხდარა.

არც ეს კმარა: ქართველმა ქალმა ძველის ტრადიციის მიხედვით კარგი «დიპლომატობაც» კი გამოიჩინა, ანდერგული, ატენილი ვნებანი ემიგრაციის ყოფის სარბიელზე რო დატორტმანებენ, შეაჯავა და ოდნავ მაინც დააცხრო. აქ მას ჯერ კიდევ ბევრი გაუგებრობა, წვრილმანობა ელობება. მაგრამ მისი გული არც აქ ტყდება. ეხლაც ისე, როგორც მრავალ საუკუნეთა გასწრივ ქართველი ქალი მთლიანის, ერთობილის იდეიდან გამოდის და ცდილობს ჯგუფობრიობა, ცალ-ცალკე დარაზმვა, ძაგება, შური და მტრობა დააყენოს და შეანელოს... ის თვისას ღრმა სიყვარულით, უძირო ბუნებით ყველა ამ ჯგუფებს დედობრივად სწვდება, ყველასი ტკივილები ესმის, ყველას გულის ძგერას ჰკითხულობს, ყველასათვის ჰყოფნის სიყვარული—და ხმაოს, ძმას ძმაზე რომ ამოუწვდია, თავის ღეჩაქს ახვევს, როგორც ძველად



დაწავებისა და შერაგების ნიშნად სტოდნიათ ქართველ დედებს.

ქართველი ქალის ინტუიცია უშუალოდ მეტყველებს და ამბობს, რომ კიდევ დიდი ხნით აღარ უნდა გაგრძელდეს ჩვენი ტრაგედია, ჩვენი სხვის კარზე ხეტიალი, რომ სუსხიანი შემოდგომა უკვე ზამთარმა შესცვალა, რომელსაც სულ მალე განაფხულიც მოჰყვება. ვნება—მისი სახე ქირის ოფელში დაწურულა, და ქარვად ჩამოდნარა, მაგრამ ის მაინც გვიღიმი და გვამხნევებს... მასაც ახსოვს უკვდავი «ვეფხისტყაოსანი», მის დედას «კარბადინთან» და «მარხვანთან» მზითვენი რომ მოჰყვა ძველად; ახსოვს მუდამ ძველი და ახალი «ქირსა შიგან გამაგრება ისე უნდა ვით ქვითკირსა...»

აი, ამას გვეუბნება ქართველი ქალი ამ ათი წლის თავზე და ძველებურადა სდგას ერთობის სამრეკლოსთან; ყველას ამხნევებს, ნებას უღვიძებს და განთიშულთ, ურთიერთთან აკავშირებს, რადგან ისიც ისე, როგორც მისი დედები, ძველი ქართველი ქალები, «სადღურია კეთილისა და საუნჯე სათნოებისა...»

მე ვიცი, რომ ამ ჩემ და დაუღალავ მუშაკით უტეხი ბუნება აქვთ და თან უტანაური სიამაყე. ვიცი, ისინი შრომისიგან დაკორძებულ, დასიებულ თითებს და ცრემლთაგან დასეტყვილ, დამჰკნარ ლაწვეებს ქართველურის კოხტა გრაციით მალავენ და შეხვედრისას ცდილობენ სილაღე და სიხალისეც კი გამოაჩინონ. მაგრამ კარგათ ვიცნობ მათ უძირო სიღრმეშიდ სიმების ნაწ თრთოლას და გვეუბნებით თქვენ: ქართველ მამაკაცთ—მოხუცთ და ახალგაზრ-

დათ: თქვენთვის, მარტო თქვენთვის მალავს ის შრომით დასერილ თითებს და თვალბზე მოწოლილ ცხელ ცრემლებს!.. თქვენთვის იტანს ის ასე მსუბუქად ყოველგვარ ნაკლებობას თქვენთვის ილიმის მწარე ტკივილების დროს,—რომ თქვენ არ შესწუხდეთ, არ შედრკეთ, რომ თქვენი ისედაც მძიმე ყოფა უფრო არ დაგიმძიმდეთ და მტრის წინაშე ქართველ მებრძოლის სახელი არ გააბახოთ.

თქვენთვის, რათა დღიურმა, ოჯახურმა ზრუნვამ მთავარს არ აგაციდინოთ; თქვენთვის, რათა ურთიერთი შეიყვაროთ და გაიტანოთ, ერთობა შეინარჩუნოთ და ეგ ათი წლის წინად წამოღებული დროშა ისევ იქ მიიტანოთ წმინდათ და მისი უდიდებულესობას—საქართველოს სასახლეს თავზედ დააღვათ.

ვიცი, ამ ქალებს მადლობა არ უყვართ, არც ჩემი მოგონება და დაცვა ეუივრებათ; მაგრამ ჩემი გული ითხოვს, რომ დღეს მათ მოვეხვიო, დაღარული შუბლი დაუკოცნო და ვუძხილო, რომ მათი ღვაწლი სულ მალე დაფასდება და ისინიც იგზნობენ შვება სიხარულს, როცა იმათ, ქმრებთან და შვილებთან ერთად, «შეიყვანენ ტფილისა დიდებითა დიდითა და ზარბაზნების სროლითა და ღამესა მას ყველა ქალაქსა იქნების ჩირადდანი («ქართლის ცხოვრება»).

და ეს ჩირადდანიანი ღამე იქნება მათი საჩუქარი, მკვდრებით აღდგომა, რომელიც სამუდამოდ დათურგნავს იმ ცივ და ბნელ ღამეს, რომელიც ჩვენ 24-ს თებერვალს ვნახეთ ამ ათი წლის წინად.

ხელიდ ლელნიძისა.

პარიზი.

გ რ ს კ რ ვ ი წ ი ნ ი თ ღ ა მ ხ ლ ა

V.

შეცდომა იქნებოდა თუ ვიფიქრებდით, რომ ივანე მრისხანის მრისხანება და მის მიერ შექმნილი სისტემა, მისი პირადი ავთმყოფური თვისებების შედეგი ყოფილიყო, რომ ეს ასე ყოფილიყო, მაშინ იგი მას თან ჩაიტანდა საფლავში და მოსკოვის სახელმწიფოს მემკვიდრეობით არ გადაეცემოდა.

რუსეთის ისტორიაში დიდ მნიშვნელოვანი მოვლენა არის არეულობის ხანა, რომელიც ბორის გოდუნოვის მეფობით დაიწყო და რომელმაც ათ წელზე მეტი გასტანა. ამ ხანაში მაშინდელი რუსეთის საზოგადოების ყველა კლასები გამოვიდნენ ასპარეზზე და გვიჩვენეს თავისი სახე.

ბორის გოდუნოვი ჰკვიანი და გამოცდილი სახელმწიფო მოღვაწე იყო. ისტორიკოსების აზრით მან პირველმა განიზარა რუსეთის გაევროპიულება და ტახტის მემკვიდრე შვილსაც ევროპიულად ზრდიდა. რუსეთის სამეფო ტახტი მან მოხერხებულათ დაიკავა (1603 წ.), მაგრამ მის შესანარჩუნებლათ იმავე ზომებს მიმართა, რომელსაც ივანე მრისხანე ხმარობდა. გოდუნოვსა და ბოიარებს შორის თავიდანვე უკმაყოფილება ჩამოვარდა. ბოიარები ხელისუფლებაში მონაწილეობას მოითხოვდნენ, გოდუნოვი კი მას არ უნაწილებდა და ახნაფრობას სწევდა წინ სახელმწიფოს საქმეებში. და რომ აეცილებია თავიდან ბოიარების რისხვა, სწერს კლიუჩევსკი, მან შექნა

რთული პოლიციური ორგანიზაცია, რომელშიაც მთავარ როლს ბოიარების ხლოპები (მონები) და ციხეებიდან განთავისუფლებული ქურდები ასრულებდნენ. პირველი აბეზლებდნენ თავის ბატონებს, ხლომ მეორენი დაძწოლდნენ მოსკოვის ქუჩებში, უბლებდნენ ყურს, თუ ვინ რას ლაპარაკობდა მეფის შესახებ და იუერდნენ ყველა მათ, რომელთაც გაუფრთხილებლობით რაიმე აუგი წამოცდებოდა. დაბეზლება და ცილისწამება გადაიქცა საზოგადოებრივ უბედურებათ: აბეზლებდნენ ერთმანეთს ყველა კლასები, მათ შორის სამღვდელთაც, ოჯახის წევრებს ერთმანეთს შორის ლაპარაკის ემიონდათ, საშიში იყო მეფის სახელის ხსენება, ჯაშუში ასეთებს იუერდა და მიყავდა პოლიციოში...

ბოლოს ბოიარებმა მაინც თავისი გაიტანეს და გადუნოვი დაღუპეს. საერთო საქმეს ამან არ უშველა. პირიქით იგი კიდევ უფრო აიწეწდაიწეწა: დაიწყო ძარცვა-გლეჯა, შური და მტრობა, ქალაქებისა და სოფლების დარბევა, გაჩნდნენ «სამოხვანცები» და მთელი ქვეყანა ანარქიამ მოიცვა. ასეთ დროს რუსეთი წინათ მართლაც არ მოსწრებია. კალაპოტიდან ამოვარდნილი ცხოვრების დაოკება, უცხოელების დახმარებითაც კი (პოლონელები) შეუძლებელი გახდა, საზოგადოება ზნეობრივად დაეცა, ბოიარები, პირადი ანგარებით გატაცებულნი, ხან ერთ «სამოხვანცეს» ემხრობოდნენ და ხან მეორეს. ასევე იქ-



ცეოდა სამღვდლოებაც. წოდებათა შორის დამოკიდებულებამ ბარბაროსული ხასიათი მიიღო. რევოლიუცია, ისტორიკოს რაქვოვის სიტყვით, მარტო ზედა ფენების—ბოიარებსა და აზნაურებს შორის ატეხილ ბრძოლით არ დაკმაყოფილდა. ამოდრავდენ ქვედა ფენებიც—კაზაკობა, გლეხობა და შინაყმები. უკანასკნელი ორი წოდების ბაიარატობა იკისრა გავარდნილმა ხლოვამა ბოლოტნიკოვმა, რომელმაც მოუწოდა თავის რაზმს: დახოცეთ ბოიარები. წაიღეთ მათი სასახლეები და წაიყვანეთ მათი ცოლები, დაარბიეთ და გაცაროცვეთ ვაჟარი ხალხი, რისთვისაც ბოიარობას, აზნაურობას და სხვა ასეთ ჯილდოს მიიღებთ. ბოლოტნიკოვის პროკლამაცია მოსკოვშიც გავრცელდა და მთელი ქალაქი შიშის ზარმა მოიცვა. შეშინებულმა ბოიარებმა და აზნაურებმა ერთმანეთს ხელი გაუწოდეს და ბოლოტნიკოვი დაამარცხეს. მაგრამ ისინი ბოლოტნიკოვზე ნაკლები ბარბაროსები არ აღმოჩნდნენ. «სახელმწიფოს ტერიტორიის მთელი მესამედი, სწერს პროფ. პლატონოვი, მთავრობის ნებართვით გაძარცვეს და გაანადგურეს მეფე ვასილი შუისკის ჯარების სარდლებმა. ხოლო თვით მეფე ტყვედ ჩავარდნილ აჯანყებულთ ათასობით უსჯიდა სიკვდილს». (პლატ. «ოჩერკი პო ისტორიი სმუტი» გვ. 342).

მკითხველი დამათანხმება, რომ მე-17 საუკ. სამოქალაქო ომის სტილი და პათოსი ძლიერ გავს რუსეთის დღევანდელი სამოქალაქო ომის სტილსა და პათოსს. ბოლშევიკებიც და თეთრგვარდიელებიც საშინლათ გვანან არეულობის ხანის თავის წინაპრებს.

არეულობის ხანასა და ბოლშევიკურ რევოლიუციას აქვთ კიდევ ერთი საერთო ნიშნობილი მხარეც, რომელიც მათ ერთმანეთს აახლოვებს. არეულობის დროსაც, როგორც ესლაც, საზოგადოებრივმა კლასებმა ერთმანეთი გასწყვიტეს, ქვეყანა გაძარცვეს და ააოხრეს, მაგრამ საბოლოო გამარჯვებული ბრძოლიდან ვერც ერთი ვერ გამოვიდა. პირველ ხანებში ვითომც გაიმარჯვა აზნაურობამ და საერთო «ზემშიჩინამ»; მან თავისი მეფე აირჩია და ერობათა კრების მოწვევა იწყო, რომელსაც პირველი მეფე რომანოვი დიდ ანგარიშს უწევდა. მაგრამ ეს იყო მხოლოდ პირველ ხანებში. თვით ერობათა კრებაც ხალხის წარმომადგენლობის ფალსიფიკაცია იყო. მერმე კი, როცა მთავრობა მოლონიერდა, იგი მოსპეს და დესპოტიამ სავსებით გაიმარჯვა. ხალხი ამოდრავდა, საზოგადო და სახელმწიფო ცხოვრებაში ჩაერთა, მაგრამ იგი ისევ დააბეს და არ აღმოჩნდა საზოგადოების არც ერთი კლასი, რომელსაც თავისი უფლებები დაცვა და დესპოტია შეეწლუდა, როგორც ამას დასავლეთ ევროპაში ქონდა ადგილი. იგივე ბედი ეწვია არუსეთის რევოლიუციასაც 1917 წელს.

დიდი ისტორიული ფაქტია სტეფანე რაზინის (1667 წ.) აჯანყება, რომელმაც 3 წელს გასტანა. მას გლეხთა ფართო მოძრაობის ხასიათი ქონდა, თუმცა უმრავლესობას კაზაკობა და «ინოროდცები» შეადგენდნენ. თვით რაზინი დონელი კაზაკი იყო. მოძრაობას თავიდანვე «უხარულ-უშუკურიული» ხასიათი მიეცა. რაზინმა თავიდანვე ასეთი ლოზუნგი გადაისროლა: «ზა გოსუდარია სტიათ, ა ბოიარ იზვოდიტ»,

ანუ ბოლშევიკური ენით რომ ვსტყვათ, ძარცვით ნაძარცვი. რაზინის რაზმი შეუდგა ძარცვას. რაზინი და პუგაჩოვი ამ მხრით ლენინის წინამორბედნი არიან. რუსის გლეხობამ ოქტომბრის რევოლიუციის დროს იგივე შეგნება და ძარცვის პათოსი გამოიჩინა, რაც რაზინის და პუგაჩოვის დროს და მას წინათ არეულობის ხანაში. მიუხედავად დიდი მსხვერპლის გაღებისა და ქვეყნის აოხრებისა, გლეხობამ ვერც ერთ ამ მოძრაობის დროს თავისი ეკონომიური და პოლიტიკური პირობები ვერ გაიუმჯობესა. გვეგონა ოქტომბრის რევოლიუციაში იგი მიწას დაეპატრონა, მაგრამ ესლა აღმოჩნდა, რომ ეს ასე არ არის; სტალინმა მას ეს უკანასკნელიც წაართვა და როგორც მონები «კოლმეურნეობაში» შერქვა.

მეორეს მხრით კუტეპოვებს ამ დროსაც შესაფერისი წინაპრები აღმოაჩნდათ. «რაზინოველების ქსიმბირსკთან დამარცხების შემდეგ, სწერს პროფ. კიზნევეტერი, მეფის ჯარის სარდალი თავ. ი. დოლოგორუკი გულმოდგინეთ შეუდგა გლეხების მოძრაობის აღმოფხვრას და თვის სამოქმედო ბაზათ გაინახა არზამასი. აქედან იგზავნებოდა ყველა მიმართულებით აზნაურების კავალერია აჯანყებულ გლეხების დასამშვიდებლათ. თანამედროვეთა გადმოცემით ისინი სადაც კი ნახდნენ ხალხს, ყველგან ჩეხვდნენ ხმლით. ტყვეები ცოცხალი არ მოყავდათ. კეპავდენ და ახიბდნენ მაშინვე სასამართლოს განჩინების გარეშე. არზამასის გარშემო აღმართული იყო სახრჩობელები, რომელთაც ჩამოკიდებული იყო 40-50 კაცი. იქვე ახლეს ჩამწყვრივებული იყო პალოები, რომელთაზედაც ჩამოცმული იყო თავმოკრილი და ცოცხლებიც. ზოგიერთი მათგანი 3 დღე ცოცხლობდა. მნახველი უტხოელი აღნიშნვდა, რომ არზამასი ამ დროს ნამდვილ ჯოჯოხეთს წარმოადგენდა. იმავე უტხოელის გადმოცემით, დასჯილთა რიცხვი გარდა ბრძოლის დროს დახოცილებისა, უდრიდა 11 ათას კაცსა» (კიზნევეტერი «რუს. გლეხთა მოძრაობის ისტორიიდან», ყურ. «კრეს. როსია» №8-9).

აი ასეთი სისხლისღონი და ჯოჯოხეთური სახე ქონდა სამოქალაქო ომს თავიდანვე რუსეთში. ეს ველური ინსტიქტი დღესაც საკმაოდ არის გამჯდარი რუსის ერთი ნაწილის ძვალრბილში და მე-18 საუკ. არზამასის ისტორიას დიდის სიამოვნებით განიმეორებენ დოლოგორუკის დღევანდელი მემკვიდრენი. რუსის მონარქისტების გაზ. «ვოზრაცდენიეში» თეთრგვარდიელი ოფიცერი ვილაც ა. ბ. სწერს: «საქირთა მოვიფიქროთ, თუ როგორ უნდა ვიძიოთ შური ამ საძავლებზე, და ვიძიოთ ისე, რომ აყმულიდენ არამც თუ მარტო მთელი ქვეყნის კომუნისტები, არამედ თვით დედამიწა გასქდეს ორათ ბოლშევიკების კენესით. შურისძიება, შურისძიება, შურისძიება გასაწყვეტათ! და აქ კი არა საზღვარგარეთ. იქ, თვით ამ საძავლების ბუდეში! ამ 12 წლის განმავლობაში ჩემი გული ქვით გადაიქცა.»

მეკი მგონია, რომ თეთრგვარდიელის გული «რბილი» არასოდეს არ ყოფილა. ამის დამამტკიცებელია კუტეპოვჩინა, რომელიც სამოქალაქო ომის დროს იგივე ჩეკა იყო, რომელიც ბოლშევიკური დროის მაკიერ—მეფის დროსა ექირა ხელში. კაქი.



ს ა ქ ა რ თ ვ ე ლ ო ც ი ფ რ ა ბ ი თ

(ცდა ჩვენი ქვეყნის ენოვანულ მეურნეობის მიმდინარეობას)

სამთო-მადნო დარგთა შორის არის ორი, რომლის დამუშავება ჩვენში. ცოტათ თუ ბევრად შესამჩნევად ხდებოდა. ეს ორი მადანი არის—ქვანახშირი და სპილენძი.

ქვის ნახშირი, ჯერჯერობით, ორს ადგილს მუშავდება: ტყიბულში და გელათს.

მზრავლისათვის დიდს იმედებს იძლევა ტყვარჩელის ქვისნახშირის მადნები. მათი დამუშავება აქამდინ ვერ ხერხდება, თუმცა დიდი ხანია, რაც ისინი აღმოჩენილია. საქართველოს დამოუკიდებლობის დროს ჩვენს მთავრობასთან სერიოზული მოლაპარაკება ქონდა იტალიის ეკონომიურ კომისიას, რომელიც სავანგებოთ იყო ჩამოსული საქართველოში, რათა ეკონომიური კავშირი გაბმულიყო ამ ორ ქვეყანას შორის. ტყვარჩელის მადნების დამუშავება უნდა მომხდარიყო შეერთებულის ძალებით, პარიტეტულს პრინციპზედ წარმოების მართვა-გამგებლობაში. რამდენიმე წლის შემდეგ მთელი სამრეწველო ნაგებობა და მთლად ექსპლოატაცია მუქთად გადავიდოდა საქართველოზედ. შემდგომმა პოლიტიკურმა ამბებმა ხელი შეუშალეს საქ. მთავრობას ამ დაწყებასთან ერთად სხვა ეკონომიური ღონისძიებანიც შემოღებულიყო. ვიტყვი აქვე, რომ საქართველოზედ რუსეთის წითელ არმიის თავზედ დაცემამ და საქართველოს ვერაგულად დაჭერამ ჩაშალა მეორე დიდი საქმეც—ნავთის ექსპლოატაცია შირაქის ველზედ.

სწორედ იმ დროს, როდესაც ბლოშევიკების ჯარი ყუმბარება ესროდა ჩვენს დედა-ქალაქს. შეკრებილი იყო ტფილისში საინიციატივო ჯგუფი, მათ შორის ცნობილი ბაქოელი ქართველი ნავთის მწარმოებელნიც. ახრად ქონდათ ექსპლოატაციისთვის მთელი საქირო კაპიტალი წარედგინათ მთავრობისათვის, რომლის მონაწილეობით უნდა მომხდარიყო შირაქის ნავთიან ადგილების ექსპლოატაცია, დაახლოვებით იმ გვარი ორგანიზაცია, როგორც უკვე არსებობდა მარგანეცის მრეწველობაში, იმ გამოკლებით, რომ მთავრობის სათანადო ორგანიზმი უშუალოდ იღებდა მონაწილეობას. პარიტეტულს პრინციპზედ, მართვა-ექსპლოატაციაში. ამ სხდომაზედ დამსწრეთ კარგად ესაზმებათ, რომ ოქმი იმ წინასწარი წინადადების, ხელმოწერილი იყო ინიციატორების მიერ სწორედ მტრის ზარბაზნების გრილის დროს. როგორც სხანს, ამ კითხვას მიაქციეს ყურადღება ტფილისში. ამაზედ ცოტა დაბლა გვექმნება ლაპარაკი.

დავუბრუნდეთ ქვისნახშირის ექსპლოატაციას.

ტყიბულის და გელათის ქვისნახშირი ვერ არის, მაინცდამაინც, უმაღლეს ხარისხოვანი მადანი; მეტადრე ეს გელათის ნახშირზედ ითქმის. ტყიბულის წარმოება პერიოდულად ვითარდებოდა ხოლმე, მეტადრე იმ ხანებში, როდესაც ნავთის კრიზისი დადგებოდა ჩვენს ქვეყანაში.

1913 წელს სულ დამუშავებული იყო 4.200.000 ფუთი. 1915 წელს 4.500.000 ფუთი. 1920 წელს კი 5.500.000 ფუთამდე ავიდა. 1913 წლის დამუშავებულ ნახშირის ღირებულობა შეფასებული იყო 400.000 ოქროს მანეთად.

სათბობი მასალის საერთო ნაკლებობის დროს რკინისგზის მიმოსვლა ჩვენი საკუთარი ნახშირით ხდებოდა; იყო შემთხვევები, როდესაც ჩვენი ნახშირი საზღვარგარეთ მიმავალ ვემებსაც მიჰქონდათ, ან საკუთარი საჭიროებისათვის და ან სტამბოლში გასაციდათ.

ჩვენმა სპეციალისტებმა სწორედ იმ ხანაში მიაქციეს მეტი ყურადღება თვით ნახშირის ღირსების გამოსწორებას და ცოტა რამ მიღწევანიც მოხდა ამ დაწყებაში.

ტყიბულის მადნების მნიშვნელობა ყოველთვის დიდი იქნება ჩვენი ქვეყნის ეკონომიკაში და მათი უკეთესად გამოყენება ერთობ აუცილებელია ჩვენთვის. შეიძლება ამ მადნებს ის ბედი ეწიოთ, რაც ინდოეთში მოხდა.

იქაცა აქეთ საკუთარი ნახშირის მადნები, მაგრამ ერთობ მდარე ღირსების. როგორც პ. კრაპოტკინის თავის წიგნში გადმოგვცემს, უმთავრესად ეს გარემოება ყოფილა იმის მიზეზი, რომ ინდოეთში ვერ მოიკიდა ფეხი საკუთარმა ინდუსტრიამ და საქარხნო წარმოებამ. ინდოეთი იძულებული იყო სხვა ქვეყნებიდან (ინგლისიდან) ეწიდა სათბობი მასალა. რაც მას მეტად ძვირად უჯდებოდა. სწორედ ამიტომ ხდებოდა იქ ნელის ნაბიჯით ზრდა საქარხნო მრეწველობისა. მიუხედავად იმისა, რომ იმ დალოცვილ ქვეყანაში ყოველგვარი ნედლი მასალა უხვად მოიპოვება.

აი ამჟირის ასაცდენათ თვით ინგლისის კაპიტალი შეეცადა გამოეგონა საშუალება, რომ ინდოეთის ნახშირი გაუმჯობესებულიყო და ბოლოს მიხანსაც საუცხოვოდ მიაღწია. ამას შედეგათ ის მოყვა, რომ ამჟამად ინდოეთი თავის ნედლ მასალას შინვე ამუშავებს, უმთავრესად, ასე რომ წინანდებურათ აღარ სჭირდება უცხოეთიდან დაბარება მისთვის საქირო საქონლის. პირიქით, ეხლა თვით ისდოეთმა დაიწყო შინ გადამუშავებულასაქონლის ექსპორტი. ნაწილი ამ ექსპორტის თვით ინგლისშიაც კი სადდება, დასძენს კრაპოტკინი.

აი რა შესძლებია ადგილობრივ სათბობ მასალის უკეთესად გამოყენებას.

ამჟამად ჩვენშიაც გრძელდება ცდები ნახშირის გამოკეთებისათვის. უტყუარი ფაქტია უკვე, რომ ტყვარჩელის ნახშირი კოკსაც იკეთებს და ეს კი უდიდესი მიღწევაა.

ის სამადნო ადგილები, რომელიც ტყვარჩელშია აღმოჩენილი. მართალია დეტალურად არ არის გამოკვლეული, მაგრამ. ცოტად თუ ბევრად, სარწმუნოა, რომ იმ ადგილებში 12 მილიარდ ფუთამდე ქვანახშირი მოიპოვება.

ამჟამად კვლევა-ძიება თითქმის ააშკარავებს, რომ ეს მდიდარი ბუდე ქვანახშირის არ განისაზღვრება მხოლოდ ტყვარჩელის მიდამოებით; იბადება ახრი, რომ ამ ადგილებიდან დაწყებული ტყიბულის მადნებამდე მთელი ეს არე ერთიან ნახშირის საბუდეებს წარმოადგენს. თუ ეს გამართლდა, საქართველოს ქვის ნახშირის რაოდენობა ბევრად უფრო მეტია მანვლად. რასაც დღემდე ანგარიშობდნენ.

მიღებული იყო, რომ მთელს ჩვენს რესპუბლიკაში ქვანახშირის მარაგი უდრის 300 მილ. ტონს. ამ რაოდენობაზედაც რომ შევჩერდეთ ნახშირის მხრივ საქართველო უფრო მდიდარია ვიდრე—იტალია, შვეიცია, დანია, საბერძნეთი, რუმინია, პორტუგალია.

სპილენძის მადნეულობა ართვინის ოლქში და ბორჩალოს მაზრაში მუშავდებოდა. 1913 წელს ქარხნებში სულ იყო დამუშავებული ქარხნებში 440.000 ფუთი სპილენძი, ღირებული 6.600.000 ოქროს მანეთად.

გადამუშავების დროს გამოსულა:

ვერცხლი 783 გრამი (წითელ სპილ. თითო ტონაზე) ოქრო 13 გრამი (" " " ")

სპილენძის ლითონი გამოდიოდა ცხრა ადგილას და 1913 წელს ამოღებული იყო სულ 20 მილიონ ფუთამდე.

ცნობილი ფაქტია, რომ მეფე ერეკლეს ბრძანებით საქართველოს ქათალიკოსის გვირგვინი გამოქედილი იყო იმ ოქროთი, რომელიც ალავერდის მადნებმა მისცეს საქართველოს.

დღეს ბოლშევიკებმა ალავერდის რაიონი, ბორჩალოს მაზრაში, და ართვინის ოლქი სომხებს და ოსმალებს გადასცეს...

დანაშთენ სამთო-მადნო სიმდიდრეთა შორის (საერთო რიცხვი აქამდინ ანუხსულის ორმოცნე მეტია და ეს ლითონი გაბნეულია 650 სხვადასხვა ადგილებში), აღსანიშნავია ნავთი, ოქრო, მინერალური წყლები, საამღმენებლო ნივთიერებანი და სულ ბოლო დროს თავი იჩინა ანდეზიტის მადნებმაც. ეს უკანასკნელი ძვირფასი მოწაწილვა ქიმიურ ინდუსტრიის, აგრეთვე როგორც საამღმენებლო მასალა (მისგან გამოდის განსაკუთრებით თვისების ცემენტი). ანდეზიტის საბუდეები ძალიან ნაკლებად მოიპოვება რუსეთის ტერიტორიაზედ. ამითი უნდა აიხსნას, რომ მოსკოვმა სისწრაფით გამოგზავნა თავისი ხალხი სოფ. კობში. სადაცაა ანდეზიტი აღმოჩენილი. გამოანგარიშებული აქვთ, რომ რუსეთი წელსვე ნახავს 10 მილ. ოქროს მანეთის ეკონომიას საქართველოს ანდეზიტის მოხმარებით. თქმა არ უნდა, რომ ხსენებულ მადნების განმგებლობა ჩამოერთვა საქართველოს ხელისუფლებას და იგი გადაცემულია, ამიერკავკასიის ფედერაციის მმართველთა საშუალებით, რუსეთზე...

უტყუარი ნიშნები სამრეწველო მნიშვნელობის

ოქროს მადნეულობის ჯერ არ არის აღმოჩენილი. არ უნდა ჩაითვალოს უნიადგო ფანტაზიით, რომ ოქრო აღმოჩნდება საქართველოში. ამის თავდებია, გარდა ლეგენდების გადმოცემის. თვით რეალური ნიშნები აქაქი ქვიშაში ოქროს მარცვლების აღმოჩენისა. ამჟამად სათანადო კვლევა-ძიებას აწარმოებენ ბორჩალოსა და აჭარაში.

რაც შეეხება ნავთს—მისი არსებობა საქართველოში ეჭვს აღარ იწვევს. დღეს სამი მიმართულებით ხდება ნავთის ბუდეების გამოკვლევა: შირაქში, გურიისა და ნავთულში (ქ. ტფილისში). უკანასკნელ ალაგას რომ ნავთი არის, ამას ისტორიული საბუთებიც მოწმობენ. რამდენადაა ამ ადგილებში დაგროვილი სამრეწველო მნიშვნელობის ნავთი—ამას ახლო მომავალში გავიგებთ. გურიაში ჯერჯერობით ცდები ერთ ქაბურღილის საშუალებით ხდება. უკანასკნელი დღეების ცნობით და სპეციალისტების შემწეობით იქ ისეთ ნიშნებს უჩენია თავი, რომ მოსალოდნელია ნავთის შადრევანის გაჩენაც. თუმცა ჯერ ჯერობით, უკანასკნელი სიტყვა არ წარმოთქმულა. მაგრამ სპეციალისტებს ეჭვი აღარ ებადებათ, რომ გურიაში უსათუოდ იჩენს თავს სამრეწველო მნიშვნელობის ნავთი. თუ ეს იმედები გამართლდა, ზღაპრულ სიმდიდრეს შესძენს საქართველოს ზედ ზღვის პირზედ გაცხოველებული ნავთის წარმოება.

რაც შეეხება შირაქის ნავთს, აქ წინასწარი კვლევა-ძიება უკვე მოთავეებულია. ამჟამად იქ გაცხარებული მუშაობა სწარმოებს უკვე ფართე მასშტაბით. ამ საქმეს ხელმძღვანელობს «საქართველოს ტრესტი», რომლის მმართველი ცნობილი სპეციალისტი ნესტოროვია. აი როგორის სიტყვებით ახასიათებს შირაქის ველის ნავთის წარმოებას ეს მმართველი:

«14 ახალი ქაბურღილი. შირაქის ველზე ამჟამად გაცხოველებული მუშაობა სწარმოებს ნავთის ახალი სარეწაოების ასაგებათ. პირველი ქაბურღილიდან, რომლის ამოღებაც იტალო-ბელგიის საკონცეიო საზოგადოებამ დაიწყო, უკვე კარგა ხანია სწარმოებს ნავთის ამოღების ცდები. აღნიშნულ ქაბურღილში გაჩნდა ე.წ. «პრობკა», რაც გამოიწვია ქაბურღილის სიღრმიდან გაზების მიერ ამოტანილმა მიწამ. ამჟამად სწარმოებს ქაბურღილის ამოწმენდა, რის შემდეგაც მოვლიან ნავთის ძლიერ შადრევანს... ამგვარად პირველი სექტემბრისთვის შირაქის ნავთის რაიონში იმუშავენს უკვე 14 ახალი ნავთის სარეწაო» (გაზ. «კომ.»).

ამ ცნობების მიხედვით შეიძლება ვიკონიოთ იმედი, რომ სულ მოკლე ხანში საქართველოც ჩაეწერება იმ ქვეყნების სიაში, რომელნიც მდიდარნი არიან ბუნებრივი ნავთის წყაროებით და ნავთის მრავალგვარ წარმოებით (ბოლო დროს ბოლშევიკებმა როგორღაც შეწყვიტეს ინტერესი საქართველოს ნავთისადმი. უეჭველია ესეც მოსკოვის ბრძანებით ხდება)...



უცხოეთის მიმოხილვა.

300 მილიონის კრედიტი.

მოსკოვის პრესა ხარობს და საბუთიც აქვს ამისათვის: ბერლინი კიდევ მიეშველა და 300 მილიონ მარკის ახალი, შედარებით, გრძელვადიანი სესხი აღუთქვა სტალინის მთავრობას, საქონლის, უმთავრესთა მანქანების სახით, ხუთწლეულისათვის. ამ სესხის 70 პროცენტის გარანტია თვით გერმანიის მთავრობამ იკისრა, ასე რომ მრეწველების რისკი მხოლოდ 30 პროცენტს უდრის, რაიცა ნამდვილათ სულაც არ არის რისკი, რადგან ამ რაოდენობას, თუ არა მეტს, ისინი წაუმტებენ საქონლის ფასს. ამიტომ მრეწველების დელეგაციას, რომელიც დიდის ამბით მიიღეს მოსკოვში, ჰქონდა, თავის მხრივ, საბუთი ქება შეესხა საბჭოთა რეჟიმისათვის გერმანიაში დაბრუნებისას. კაპიტალისტებისა და კომუნისტების ამ შესმატებულებას ბერლინის ოფიციალური წრეები იმით ხსნიან, რომ 100 ათასამდე უმუშევარს სამუშაოს გავუჩინეთ. ჩვენ ვერ ვიტყვით, რომ ეს მოტივი უსაფუძვლოა, მაგრამ იგი არ გვეგონა მთავარი, ეს მით უფრო, რომ გერმანია თვითონ განიცადის ფინანსიურ კრიზისს და გადაციცებით დაეძებს კრედიტს გარეთ. აქ პოლიტიკასაც უძვეს თავისი წილი: გერმანიას სურს ერთხელ კიდევ გამოიყენოს რუსული კოზირი დასავლეთთან თამაშის დროს. და ეს თამაში ჩქარა დაიწყება იონგის გეგმის, განიარაღების, ევროპის ფედერაციის ირგვლივ.

მაგრამ ეს შესმატებულება მოსკოვთან ბრიუნინგის მთავრობას კიდევ არ უშლის ხელს თავი დაიხლას თავდასხმებისგან როგორც მარცხნით, ისე მარჯვნივ. მან გადადო რაიხსტაგის სხდომები ოქტომბრამდე და პინდენბურგს ცალკე დეკრეტი გამოაცემინა, კონსტიტუციურ თავისუფლებათა შემოღებელი. საინტერესოა, რომ სოციალდემოკრატიამ კვერი დაუკრა მას ამ არაჩვეულებრივი ზომებისთვის. ეს მომასწავებელია იმისი, რომ გერმანიაში მოწადინებული არიან ალაგმონ მოსკოვის ყმანი-კომუნისტები და მათი მოკავშირენი პიტლერის მიმდევარნი. მას შემდეგ, რაც უკანასკნელთა ფრაქციამ დასტოვა რაიხსტაგი, რღვევის პროცესი შეიჭრა მათ რიგებში და ლამის ნაციონალისტ-სოციალისტთა პარტია მთლათ დაიშალა.

ავსტრო-გერმანიის საბაჟო კავშირი.

ეს კი ნამდვილი ბომბა იყო! გერმანიისა და ავსტრიის საგარეო მინისტრების, კურციუსის და შობერის, შეხვედრა ვენაში, მართალია, ერთგვარ ინტერესს იწვევდა ყველგან, მაგრამ ასეთ შედეგს არავინ მოელოდა. ავსტრო-გერმანიის საბაჟო კავშირი, აი რისი შვეკრა აღუთქვეს მათ ერთმანეთს ოქმში. ბრიანმა მამინვე განაცხადა სენატში, რომ ეს აქტი არღვევს ავსტრიის მიერ ხელმოწერილ პირობას, რომ ის არ შეეკერის არც ერთ სახელმწიფოს, რომელსაც შეეძლოს მისი დამოუკიდებლობის შეზღუდვა, ოქმი

კი გერმანიას აბარებს მის სვე-ბედს და ეს უკვე მასთან გაერთიანების დასაწყისიაო. კურციუსი უარყოფს ასეთ ბრალდებას და ამბობს. პირიქით, ჩვენ ევროპის ფედერაციას საძირკველი ჩავუყარეთ. დავაში ერევა ჰენდერსონი და წინადადებას იძლევა კითხვა ენევეაში გადავიტანათო. გერმანია და ავსტრია თანხმდებიან ამაზე და სამაგიეროთ გერმანიის კანცლერი და საგარეო მინისტრი მაკდონალდმა თავისას მიიწვია ჩეკერში. ბრიანი თავის მხრივ, კონტრპროექტს ამზადებს მცირე ანტანტის და პოლონეთის მონაწილეობით იმავე ენევისთვის. როგორც ხედავთ, დიდ შეხლა-შემოხლას მოელიან მაისში ენევაში და, თუ მოსკოვს დავეუჯერებთ, პარიზსა და ბერლინს შორის სიდი ჩატყდება. ჩვენ არ ვუყურებთ ასე ტრალიკულათ საქმეს, ავსტრო-გერმანიის ოქმს შეიძლება ის დამსახურება ხვდეს, რომ იგი ეკხდეს საბაბი ევროპის სახელმწიფოთა მჭიდრო ეკონომიურ თანამშრომლობის მოღუსის შექმნისა.

ისპანიის რესპუბლიკა.

ერთი კვირაა, რაც ისპანიის რესპუბლიკა იშვა თითქო მოულოდნელათ, და დროებითი მთავრობა, შემდგარი სოციალისტთა და რესპუბლიკელთა კოალიციისაგან, დიდს ენერგიით მართავს სახელმწიფო საქმეს. უნდა ითქვას, თვით ხალხიც გასაოცარის დისციპლინით ირჯება, ჯერ ხანად, ყოველ შემთხვევაში. პირველი ორი დღე მთელი ხალხი ქუჩაში იყო, არ უძინია, არ უმუშავნია. განუსაზღვრელ სიხარულს ეძლეოდა. მაგრამ, როგორც კი მისცეს ზევიდან ნიშანი, მესამე დღეს, ყველაფერი კალაპოტში ჩადგა: მუშა დაუბრუნდა ქარხანას, გლეხი—გუთანს. ვაჭარი—დაწლს და ასე ბოლომდის. ეს უმთავრესად მიეწერება სოციალისტურ პარტიას და პროფესიულ კავშირებს, მათი ლიდერების ბრძნულ გამუხიასობას. რასაკვირველია, ამ უსისხლო გადატრობებს ხელი შეუწყო აგრეთვე მეფე ალფონს მე-13 ტემ, რამდენათ მან ჰკუა იხმარა და თავის დროზე გაეცალა ოჯახობით ისპანიის ტერიტორიას.

დიდი გულისწყრომა სუფევდა მის მიმართ ხალხში, მან გასტეხა სწორეთ, ეს რვა წელიწადია. ფიცი კონსტიტუციისადმი, დაეყრდნო პრიმო დე რივერას, და მასთან ერთათ განაგებდა დიქტატორულათ ქვეყანას. გააუქმეს კორტესები ანუ პარლამენტი, თვითმართველობანი, თავისუფლებანი და ქვეყანა ეკონომიურ და ფინანსიურ განადგურების პირზე მიიყვანეს. პრიმო დე რივერა ბოლოს იძულებული შეიქმნა გადამდგარიყო, გარდაიცვალა კიდევ, მაგრამ მისმა მოადგილემ გენერალ ბერანგერმა ვერაფერი გააწყო, ვერ ჩააყენა ქვეყანა ნორმალურ კალაპოტში. დაპირებით კი მისი მთავრობა კონსტიტუციურ უფლებების აღდგენით ამშვიდებდა ხალხს თითქმის ორი წელიწადი. როგორც სჩვევია ძველ რეჟიმს, ის მუდამ ავვიანებს რეფორმებს, და ეს ხანა კი იყო გამანადგურებელი მისთვის, ხალხმა ზურგი შეაქცია მონარქიას და რესპუბლიკაში დაინახა ხსნა.

და ამ დროს მეფის უკანასკნელი, ადმირალ ანსორის მთავრობა ნიშნავს სამუნიციპალო არჩევნებს

მთელს ისპანიაში და პასუხათ იღებს რესპუბლიკანელების ბრწყინვალე გამარჯვებას. ეს კიდევ არ იყო ფორმალურათ რეჟიმის შეცვლა, რადგან ეს უნდა მოეხდინა დამფუძნებელ კორტესებს და მათი მოწვევა აღრევე აღუთქვა მეფემ ხალხს. მაგრამ სწორეთ მაშინ იფეთქა რევოლუციამ, თვითუელმა მუნიციპალიტეტმა, დიდმა თუ პატარამ. ქალაქსა თუ სოფელში, რესპუბლიკა გამოაცხადა და მოხსნა მეფის დროშა. რა დარჩენოდა მეფეს? შებრძოლება ან გაქცევა, მან მეორე ამჯობინა და ერთი მანიფესტიც დაუტოვა ხალხს, რომლის გავრცელებას არც კი შეეძრძოლა დროებითი მთავრობა! მეფე იქ აცხადებს, რომ ის არ გადადგება, სანამ ხალხი არ იტყვის ამასო. ესე იგი უცდის დამფუძნებელ კორტესების გააფხვებითებას.

დროებითი მთავრობა არ დააყოვნებს, რა თქმა უნდა, კორტესების მოწვევას, მაგრამ ის არ ფიქრობს მანამდე გულწრფელ ხელდაკრეფილი დარჩეს. პირიქით, ის სცემს დეკრეტებს ყოველ დარგში. უყრის საფუძველს რესპუბლიკას, ამტკიცებს მას და თავის ნამოქმედარს დამფუძნებელს წარუდგენს. ჩვენ ვერ ჩამოვთვლით ამ დეკრეტებს და განკარგულებებს, შემდეგისთვის გადავდებთ, დავასახელებთ მხოლოდ ერთ ლამაზ ეესტს: მეფის წლიური ჯამაგირი 9 მილიონი პენსეტა ფინანსთა მინისტრის განკარგულებით უმუშევართა ფონდში გადავიდა!

ისპანიის ნორჩ რესპუბლიკის წინ ბევრი სიძენელი სდგას. ცხადია; უძლიერესი არისტოკრატია, ეკლესია, ბიუროკრატია ასე ადვილათ ვერ აიტანს ღირსების ახდას, გლახობაც ძალიან ჩამორჩენილია და განიცდის ეკლესიის გავლენას, არც მრეწველობა საკმაოთ განვითარებული, მუშათა კლასი შედარებით მცირერიცხოვანია, მოსკოვის აგენტებმაც უკვე ყვილი მორთეს «ბურჟუაზიულ რესპუბლიკის» წინააღმდეგ...

მაგრამ დროებითი მთავრობა არ ეპუება ამ სიძენელეთ და იღებს სათანადო ზომებს. ერთი მაგალითი: კატალონიის სეპარატიზმი ცნობილია, რამდენი ამბები არ მომხდარა მის დედაქალაქში, ბარსელონაში! ეს მოძრაობა მუიდროთ იყო დაკავშირებული ისპანიის რევოლუციასთან, ბარსელონა იყო, თუ გნებავთ, უკანასკნელის ბუდე. და აი, როგორც კი დაიწყო რევოლუცია, კატალონიამ თავის თავი დამოუკიდებელ რესპუბლიკად გამოაცხადა, პოლკოვნიკ მასსიას მეთაურობით. ყველას ეგონა, რომ მადრიდი და ბარსელონა ერთმანეთს დაეტაკებოდენ ამ ნიადაგზე, მაგრამ მოხდა სულ წინააღმდეგი: ისინი მორიგდენ, შეიმუშავენ დროებითი სტატუტი, რომლის ძალით ბარსელონა უარყოფს ისპანიიდან გამოყოფას და იტოვებს ფედერატიულ უფლებებს. თვით მასსიამაც პრეზიდენტის სახელი გენერალ-გუბერნატორის სახელით შესცვალა!

მთავრობის თავმჯდომარის ავთოგრაფი

ამას წინად მთავრობის თავმჯდომარე ბ. ნოე ყორდანია მეტად მიძმე ავად იყო—კისერზე რთული ძირმაგარა ჰქონდა. ქართველი საზოგადოება მეტად შეწუხებული დიდის ყურადღებით ადევნებდა თვალყურს ავადმყოფობის მიმდინარეობას.

ამ ეამად შეგვიძლია ყველას ვასახარად გამოაცხადოთ, რომ მთავრობის თავმჯდომარე საკმაოთ მოკეთდა, სრული გამომთვლების გზაზე და იმედია მალე სავსებით გაჯანსაღებული კვლავ დაუბრუნდება თავის ჩვეულებრივ მუშაობას.

გამოსვლები კავკასიაში

კოლექტივიზაციის ნიადაგზე პარტიზანთა მოქმედება კავკასიაში გრძელდება. უკანასკნელ ხანებში აღმოსავლეთ საქართველოს: თელავის, სიღნაღის, დუშეთის მაზრების პარტიზანები გაერთიანდენ და რიცხვით ორიათასი კაცი აწარმოებს ბრძოლას ხელისუფლების წინააღმდეგ. ასეთივე გამოსვლებია ბორჩალოს და ყარაიაზის რაიონებში. აქ პარტიზანთა რიცხვი უდრის ცხრაასკაცს. აზერბეიჯანში: განჯასა, ზეგარსა, შემახასა და ზაქათალაში მოქმედობს ექვსი ათასი პარტიზანი, აჯანყებულები შეიარაღებული არიან ტყვისმფრქვევლებით. მტრის მხრივ მოქმედობს არტილერია და ჰაეროპლანები.

საქართველოს ამბები

(გაზეთებიდან)

ჩხორაწყუს რაიონში, ს. ლეწორწუმეში მინდვრად მიწის ხვნის დროს გლეხმა ანდრო ესართიამ მიწიდან ამოთხარა ძველთა ძველი ხელობის სამეფო გვირგვინი, შემკული ძვირფასი თვლებით.

— განზრახულია შავი ზღვის რკინის გზა წელს მიიყვანონ ოჩამჩირემდე და მომავალ წელს სოხუმამდე.

— საქართველოს ცენ. აღმას. კომიტეტმა დაადგინა: გურიაში ს. ამალობელს დაერქვას ახალი სახელი «გმნახლებული» და ს. ბასილეთს—«ხალისი».

— ტფილისში დიდათ შეფერხებულია პურის განაწილება ვასაყიდ პუნქტებს შორის, რაც იწვევს «ყუდების» გადიდებას.

ფერილი კელაძის მიხარო

ბ. რედაქტორო!
უმორჩილესად ვთხოვთ «დამ. საქ.» მე-61 №-ში დაბეჭდილს სავანებო რაზმის წერილს ნ. რამიშვილის გარდაცვალების გამო შეუერთოთ ჩემი ხელის მოწერაც.
ფოსტის მიხებით ეს მე თავის დროზე ვერ შევასრულიე.
სავანებო რაზმის ყოფ. თანამშრომელი
ილია ზაბეგალავი.



აღმარების წინადადება

ეროვნული ცენტრის რეზოლუცია
ახრებელია აჯანყების გამო.

ახრებელია ეროვნულმა ცენტრმა განიხილა სამშობლოდან მიღებული ცნობები და მასალები ხალხის მღვდლებების და აჯანყების, რომელიც რამდენიმე თვე მოედო მთელს მხარეს და გამოიტანა დადგენილება:

1. უმთავრესი ენერჯია და საორგანიზაციო მუშაობა მიმართოს შინაგან-რევოლუციონურ ძალების გასაძლიერებლად და აქტიურ მებრძოლ უჯრედების შესანარჩუნებლად.

2. განასხვავოს მოძრაობის სოციალური, ეკონომიური, პოლიტიკური და ნაციონალური მიზნები, ჩამოაყალიბოს ისინი ლოზუნგებად და გაავრცელოს მცხოვრებთა ფართო მასებში, რომ ამით ხელიშეწყოს განმათავისუფლებელ მისწრაფების კიდევ მეტს განვითარებას.

3. გადაჭრილი წინადადება მიეცეს მოძრაობის ყველა მონაწილეს და მამულიშვილს, რომ როდესაც ლაპარაკობენ ახრებელია დამოუკიდებლობაზე; ამავე დროს ილაპარაკონ დამოუკიდებელ კავკასიის კონფედერაციაზედაც, ვინაიდან ახრებელია განთავისუფლება შესაძლებელია მხოლოდ მთელი კავკასიის განთავისუფლებასთან.

4. ეუწყოს მთელ განათლებულ კაცობრიობას როგორც აღმოსავლეთში ისე დასავლეთში ამ გმირულ ბრძოლაზე, რომელიც სწარმოებს არა თანასწორ პირობებში, და მიღებულ იქნას ყოველი ზომა მოწინავე ქვეყნიერების პროტესტის გამოსაწვევად წითელ იმპერიალისტების მსეცობის წინააღმდეგ.

სტამბოლის მონასტერი და რ. ინგილო

(დასასრული)

II. არც სასულიერო, არც სამოქალაქო სამართალი, კანონები და სინდისი არავის ნებას აძლევს, რომ ჩვენ სავანეს გამოედაოს მცირე მამულებზე.

ჩვენი სავანის დაფუძნების დოკუმენტალური აღწერა ვრცელი იქნება; ამიტომ საკმარისათ მიგვაჩნია უმთავრესი რიცხვები მოვიყვანო, რათა მკითხველმა მცირეოდენი აზრი იქონიოს.


მამა პეტრე (ლუკა ხარისპარაშვილი) დაიბადა ქ. ახალციხეს 20 აპრილს 1818 წელს, მღვდლათ ეკურთხა პეტერბურგში 26 ოქტომბერს 1842 წ. 1857 წლის 30 იანვარს წამოსული არტან-ბათომის გზით ერთი მოწაფითურთ (ალფონს ხითარისვილი) სტამბოლში ჩამოვიდა 29 მარტს, მთლათ ღარიბი (900 მარჩილი-პიასტრი დარჩენიდა), მაგრამ ნებისყოფით ძლიერი. სტამბოლიდან პალესტინაში წავიდა და იქიდანაც ვენეციაში, სადაც დაჰყოა 21 თვე, დაბეჭდა ქართული წიგნები და გამობრუნდა ისევ სტამბოლში, სადაც მოვიდა 1859 წლის 7 მაისს.

მამა პეტრეს სამი სხვა მოწაფე მიემატა: იოსებ მამუკაშვილი, ივანე გვარამაძე (ვინმე მესხი) და სტეფანე გიორგაძე. 16 ნოემბერს 1860 წ. რომში თხოვნა მისცა. კარდინალ ბარნაბომ, მაშინ პროპაგანდის

უმფროსმა, 15 იანვარს 1861 წელს მოსწერა სტამბოლში პაპის დელეგატს, მონსინიორ ბრუნინის, რომელმაც იმავე წლის 10 თებერვალს მამა პეტრეს ახალ საზოგადოებას იურიდიული არსებობა მიანიჭა. ამ დროს მ. პეტრეს 300 ფრანკი (150 მან.) ჰქონდა სალაროში. ამ იურიდიულ არსებობას ვერ მიიღებდა მ. პეტრეს ახალი პატარა საზოგადოება, მას რომ არ ჰქონდა სამონასტრო ადგილი. არქივიდან სჩანს, რომ ერთ კეთილ-მყოფელს შეეწინა 1230 არშინი მიწა ბინის და სამლოცველოს აღსაშენებლათ. ერთი ძირითადი ეკლესიური კანონია, რომელიც მხედველობაში უნდა იქონიოს მკითხველმა. ყოველივე სასულიერო საზოგადოების წევრის შეძენილი კოლექტიურათ თუ პიროვნულათ, საზოგადოებას ანუ კოლექტივს ეკუთვნის. მ. პეტრემ თავისი მოწაფეობითურთ, თავის საზოგადოებისათვის სამჯერ მეტი მიწა შეიძინა ფულით თავიანთი ბინის აღმოსავლეთით და დასავლეთით. ამის შემდეგ მ. პეტრემ, როგორც დამწყებმა და უმფროსმა, ყველა გაუგებრობის ასაშორებლათ, 4 თიბათვეს 1863 წელს დასწერა პირველი ანდერძი, სადაც ვკითხულობთ: «... (ფრანგულიდან სიტყვა სიტყვით თარგმანი ჩვენია) მონასტერი და სამლოცველო თავიანთი მიწებით, აგრეთვე შემოსავალი მათი, და ყველა ქონილი უძრავ და მოძრავ ქონება, რომელთაც შევიძენ ჩემს ცხოვრებაში, და რომლებიც დარჩებიან ჩემი სიკვდილის შემდეგ, მიეკუთნებიან ყველა შემოთხსენებულ ბერებს, კათოლიკე ქართველებს, მონათა უმანკოთ ჩასახულისა, რის შედეგათ არც ჩემთა ნათესავთა. არც ქართველ ერსა, არცა არავის სხვა პიროვნებას არ ექნებათ უფლება დავა გაუწიონ შემოთხსენებულ ბერებს, არცა გამოიტაცონ რაიმე მათგან».

მ. პეტრეს დაუღალავი ენერჯიით, მის მოწაფემღვდლების დახმარებით, მკიდრო ცხოვრებით ახალი საზოგადოება გაიზარდა რიცხვით და ქონებით. ანდერძის შემდეგ, 26 თიბათვეს 1863 წელს გაგზავნილი წერილის საპასუხოთ, რომმა, 30 იანვრის (1864) წერილით, ეპარქიულ დამტკიცების შემდეგ თავისი პირველი საფეხურის დამტკიცება მიანიჭა ჩვენს საზოგადოებას.

ძველი მიწერ-მოწერა 1866 წლიდან დაწყებული გვიჩვენებს, რომ მოლოზნების სავანის დაარსებისათვის მ. პეტრეს მეტი ცდა დასუირებია. 1869-ში უკვე კაი ჯგუფია სამოლოზნო ქართველ მანდილოსნებისა. კათოლიკე ეკლესიის Jus Canonicum-ის მიხედვით დედათა სავანეები ეპარქიის უმფროსებზედ არიან დამოკიდებულნი, თუ კი რომელიმე დამოუკიდებელ ორდენს არ ეკუთვნიან. ეპისკოპოსი ნიშნავს ზედამხედველათ და მრჩეველათ იმ სასულიერო მოძღვარს, რომელიც მას სურს. ასე ნორმალურად სტამბოლის ქართ. კათოლ. მოლოზნთა სავანეც პაპის წარმომადგენელს ექვემდებარება. ნემოთაც ვსთქვით, რომელიმე მონასტრის დაარსებას ეკლესია არ დაუშვებს, თუ ბინა და საცხოვრებელი არაა აღმოჩენილი. ამიტომ, მ. პეტრემ როგორც ბერებისთვის, ისე მოლოზნებისთვის იზრუნა იმ ზომაზედ, რომ მოყოლებული მაინც 1869 წლიდან, მოლოზნების იურიდიული არსებობა საეკლესიოთ აღიარე-



ბული იქმნა მკათათვეს 1871 წ. ვინ არ იცის, რომ მამათა სავანემ მაშინ დაუთმო ქართ. მოღონებს საკუთარი ადგილი, რაზედაც მ. პეტრემ და მისთა მოწაფეთ მიმდევრებმა გააწინეს მოღონებისთვის საკუთარი ბინა და სასწავლებელი, რომლებიცათვის იმ დროიდან მოყოლებული ხარკსაც კი ჩვენ ვიხდით. დამწყობმა მეტიც ჰქმნა: მოღონებს წესდებულებაში ჩაუწერა და მამათა სავანესაც დაავალა, რომ დედათა სავანე ბერებს უნდა ერჩინათ ათიდან თუთხმეტ წლამდე, რომლის ვადის შემდეგ მოღონებს თავისით უნდა ეცხოვრათ. მამათა სავანემ იმ თავიდან 15 წელიწადი კი არა, არამედ სხვა 20-23 წლის განმავლობაში იტვირთა მოღონების კვება და აღზრდა. 1903-1904 წლებში მოხდა საზარდოს მიცემის შეწყვეტა, პაპის დღევანდის უწყების შემდეგ, რომელმაც ბრძანებაც კი გამოსცა, რომ მამათა სავანის წინამძღვარი აღარ უნდა ყოფილიყო მოღონების ხელმძღვანელი. მოღონებმაც იმ დღიდან აღარ ისურვეს თავიანთი ნებაყოფლობით ჩვენ სავანესთან მეგობრული ურთიერთობა და კავშირი და იყოლიეს ყოველთვის უცხო მოძღვარი დამრიგებელათ და მრჩეველათ. აჰა სულ მარტივათ ისტორია.

საკითხი ოდნავ ბნელათ დარჩება, თუ არ დაუბრუნდით მ. პეტრეს შეხედულობას მონასტრის მამულზე. მ. პეტრე გულუბრყვილი არის, ამბობს ბ. ინგილო. სწორეთ მაშინ, რადესაც ქართ. კათოლ. მოღონების საზოგადოება ფაქტიურათ არსებობდა, მათი წესდება დამუშავებული და წარდგენილი და დღიდან დღეზე მოღონების იურიდიულ არსებობის დაპირებული აფიციალურ გამოცხადების მოლოდინში იყო პაპის წარმომადგენლის მიერ. მ. პეტრემ დასწერა მეორე ანდერძი. ოთხი დღის შემდეგ, ნოემბერს 1869 წელს ეს ანდერძი წარუდგინა მან ეპისკოპოსს მონსინორ ანტონი-იუსებს, რომელმაც როგორც პაპის ელჩმა შეამოწმა. განა დამწყობმა და პაპის დღევანდამ დაივიწყეს მოღონების უფლება და სამართლიანობა? ამის შემდეგ დამწყობმა კიდევ 21 წელიწადი იცხოვრა და არას დროს არ მოავგონდა თავისი ანდერძის შინაარსი? ამ შეკითხვებს ინგილომ გასცეს პასუხი.

მ. პეტრემ ესეც არ იკმარა. მის ანდერძს ეკლესიურათ იურიდიული ძალა ჰქონდა; საკმარისი კი არ იყო სამოქალაქო ხელისუფლების წინაშე. ამიტომ თერთმეტი თვის შემდეგ 10 აგვისტოს 1870 წელს, მეორე ანდერძი თავისი ხელით დაწერილი, თვითონვე გადასწერა სიტყვა სიტყვით და იმავე დღეს შეამოწმებინა სამოქალაქო ხელისუფლების კანცლარი-აში. ეს ორივე ანდერძი შინაარსით არ განსხვავდება 1863 წლის ანდერძისაგან. აი აქაც რას ვკითხულობთ იტალიურ ენაზე, რომელსაც მკითხველისათვის სიტყვა სიტყვით ვსთარგმნით: «... რადგანაც, როგორც შემოხსენებული მონასტერი, სამლოცველო და სანოვოციატო თავიანთი ადგილით (მიწით), ისე კიდევ შეძენილი შემოსავალნი თუ იგივე კრებულის მიერ, თუ ჩემ მიერ, და ყოველი ჩემი ქონილი მოძრავი და უძრავი, რომელთაც შევიძენ ჩემს სიცოცხლეში, დარჩებიან და ეკუთვნინან ყველა, ჩემი სიკვდილის

შემდეგ, შემოთ ხსენებულ კათოლიკე ქართველ ბერებს. ამიტომ არც ჩემ ნათესავეებს, არც ქართველ ერს, არც ერთ სხვა რომელიმე პირს არ ეწება უფლება უქმნას დავა შემოთ ხსენებულ საკუთრებებზე ხსენებულ ბერებს, ანუ წარიტაცოს ერთი რომელიმე ნაწილი მათი. ეს არის ჩემი უკანასკნელი და უცვლელი ნება, რომელიც მე გამოვაცხადე აქ და მინდა რომ ყოველი საგანი როგორც აქ დაწერილია, იქმნას მარად ასრედ აღსრულებული».

ასეთი ანდერძი გულუბრყვილოთ დაწერილი რომ არ არის, ინტერპრეტაცია არ სჭირდება. რომ მისი სისრულეში მოყვანით ჩვენ უსამართლონი არ ვართ, ყველასათვის ნათელია. ვერც წარმოგვიდგენია, რომ ვინმემ დავა დაგვიწყოს. პორებს და მითქმამოთქმას ვერ გავყვებით და არც არავის ნებას მივცემთ, რომ გადაუდგეს სიმართლეს და მსჯელობას, დაგვწამოს ქონების უსამართლოთ მისაკუთრება და რაც უფრო დაუშვებელია, პრესის გზით ქართველი საზოგადოება შეაცდინოს და ააღელვოს ჩვენს წინააღმდეგ.

იმ თავითვე გარკვეული იყო ბერების და მოღონების ქონება. დამწყობმა რაც მისცა, ამათ დღესაც უდავოთ უკავიათ. ანდერძის შემდეგ ოც წელმა გავლო, მიიცვალა 1890 წ. მ. პეტრეს შეეძლო ანდერძი შეეცვალა, ან მეტი მიეცა მოღონებისთვის. ბერებმა მისი სიკვდილის შემდეგაც ბევრი შეიმატეს. ყველა ეს მამულები დიდ ომამდე კერძო პირზე იყო დამტკიცებული, რადგან ოსმალეთში ვახუშტის კანონების ძალით სხვანაირათ არ შეიძლებოდა. ხოლო კერძო პირები აცხადებდნენ, რომ იგინი სახელის მიმცემნი იყვნენ და მამული კი არც მათი და არც მათი ჩამომავლობისა, არამედ ქართ. კათ. ბერების ფულით ნაყიდი და ამათი საკუთრებაა. ყველა ეს აქტები ექვსი წლის განმავლობაში ჩემს ხელში იყვნენ და ახალი კანონების მიხედვით, ოსმალეთის მთავრობის მიწათა სამინისტროში წარდგენილი, რის გამოძიების და განხილვის შემდეგ თითქმის ყველა მამული ჩვენ ქართველ კათოლიკე ეკლესიის სახელობაზეა დამტკიცებული. არც მიწების ნასყიდობაში, არც კერძო აქტებში არსად არც ეწერა და არც ჩანდა, რომ ეს მამულები შემოწირულნი იყვნენ, ანუ კიდევ ეკუთვნოდნენ ბერებსაც და მოღონებსაც. წინააღმდეგი რომ ყდოილიყო, მთავრობა გაარჩევდა და გააყოფდა. ისედაც ჩვენ გვაქვს საბუთები და ანგარიშები, რომლებიც ნათელ ჰყოფენ თვითვეული ვისი თანხით, ვისგან და ვისთვის არის ნაყიდი. ზოგიერთი მამულის ვალი დღესაც გასტუმრებული არ არის სრულიად. მოღონების მამულები და აქტები კი დღესაც მათ ხელშია. ჩვენ ამ საკითხის სინამდვილეს სხვანაირათ ვერ წამოვაცყენებთ, რადგან საბუთი მრავალი და ნათელია. ანდერძის, აქტების და ანგარიშების გარდა თუ კიდევ არსებობენ სხვა, ვერთ წოდებულნი «შემოწირულ ბათა აქტები», გვიჩვენონ. ამას ვთხოვთ, ვავალბებ ჩვენ გამკიცხველ მოსამართლე ინგილოს და საჯაროთ წინდაწინ ვპირდებით მას, რომ არ გამოვეპატრონებით შემოწირულ მამულებს.

პ. შალვა ვარდიძე.